

Ch L 3145.0272.81

HARVARD COLLEGE LIBRARY
FROM THE
MARRIOTT-PEDDINGHAM
INSTITUTE
SEP 30 1929

Ch L 3145.0272.81

商卸具系志

序

商邱雖古地而以縣稱則自明嘉靖間始蓋今之商邱卽古之睢陽宋城也歷代倚郡郭明初省併穀熟楚邱諸邑而爲州洎州復升郡而以州境爲縣境縣之有志則昉於萬曆初呂令也壬午寇亂全城灰燼何有於志鼎革後十餘載而章邱劉君來宰是邦雅意修復豈值兵燹之餘老成凋喪文獻無徵劉君因陋就簡約略補綴功侔草創及壬申癸酉間山陰周令欲加續修其時老成文獻衰燔更甚於劉尹之日

南五里志
不過取舊志謄錄一過而增以戊戌已後之科甲及
太學生姓名而已謂之曰續修可乎余承乏六載以
爲千古之書莫大於經史史者經之翼也治天下之
大典太則也國史爲天下之史而郡邑志爲一方之
史士大夫不可不讀國史守令長獨可不閱郡邑志
乎不揣固陋有志修葺值水旱游臻皇皇未逮甲申
之春隸人不戒於火舊板竟付祝融嗚呼天殆警予
以速成此志乎於是請諸鄉先生及博士弟子珥筆
助予諸公咸避席曰明府有事於邑乘此邑人之光

邑人之幸也何敢以不文辭而誼有所不可者不敢
不以直告蓋志之所重在掌故而尤重在人物毋論
我輩謗焉不能逃搜覽證古今卽以人物論違者有
先世邇者有親暱非是卽先世之親暱而或親暱之
先世也將誰毀乎誰譽乎志例固無毀如以譽取其
可譽者而譽之未必有功如不可譽者而譽之豈能
無過求譽者而卽譽之彼未嘗以爲德求譽者而不
卽譽之彼無本怨且謗矣惟明府亮焉余唯唯審如
是盡已諸衆曰譽是惡可已明府交遊遍海內惟擇

其有道而文者專任之可也適我友崑山葉君松川氏將之西川赴我家觀察兄之招道出梁宋松川篤行稽古尤邃于史學遂邀其暫紆岷峨之駕止宋商略志事且告之曰商之典章故實君之所知也商之人物臧否君之所未盡知也豈惟君卽余守茲土數歲亦豈能一一知而知之一一盡乎我輩誦法孔孟論人不可不以孔孟爲法孔子曰鄉人之善者好之其不善者惡之孟子曰國人皆曰賢然後察之遂下今邑中曰凡昔人士之有物望及隱德者婦女之有

節烈懿行者悉舉以告於是矚其來舉之人公者則登之私則置之舉而寡者近于私舉而衆者近於公而又加以博訪叅以載籍然後進而品隲焉雖未能百不失一而背盤公議者或寡矣余與松川晨夕搜討凡七閱月而告成爲卷二十爲條四十有奇各備序論損益乎煩簡華實之間而求各當其可不敢云懸諸國門與人增減而後人有採掇舊聞攷訂疇曩者或不能舍之而他適也梓旣竣因述其緣起以告邑人皆

康熙四十有四年歲次旃蒙作噩陬月文林郎河南
歸德府商邱縣知縣文安劉德昌題



情狀出閱目前古風欲卷二十餘刻四十百符各
不夫一研背盤公編告近官矣余與外川具
爾又故以對忘容以維維然對而而刻刻未前
登文以圖畫人與而影否改王以舉而舉書改
可也

重刻商邱縣舊志序

舊志之修在康熙四十有四年前乎此者為順治十
五年其創也則前明萬曆十年邑宰為呂侯屬宋莊
敏公成之後兩修之所本也當呂侯時商邱設縣歷
三紀矣是邦處人才極盛之日功業彪炳文章應之
於以持勝國之終而開興朝之始再修則纂述諸賢
又皆一時名宿至康熙間梁苑風雅依然如昨故是
書明潤婉約琅琅可讀信佳構也世之修志者率皆
踵前編而繫以新製揆諸體例豈不謂然無如渾而

1685
1705

一之新志出而舊志廢致令前賢手筆不能獨有千秋斯足憾耳多壽承乏於茲念邑志失修久矣乃與耆老大夫薦紳先生之倫仿武功遺意為續修之舉新舊志各為一帙舊者之精神面目既還本來新者亦可自成一書合而仍分僉曰宜哉惟是兵火而後板片無存印本寥寥殘缺間之亟付手民重加剗削其有郭公夏五不敢臆為補綴以昭敬慎至小有商推如府志所辨穀熟非析置之類方埒入續書而是編不動因歎一百八十年來長恩守護蠶簡未湮與今

日遙遙相待多壽乃同諸君子商與斯役倘亦有數焉存乎其間也耶

光緒十一年正月

日

知商邱縣事鐵嶺張多壽序

1885

商邱縣志卷一
 地理志
 商邱縣志卷一
 地理志
 商邱縣志卷一
 地理志
 商邱縣志卷一
 地理志
 商邱縣志卷一
 地理志
 商邱縣志卷一
 地理志

舊志序

邑人李 目

商邱舊志十卷明吏部尚書宋公纁撰始歸德府為
 州未有邑也嘉靖二十四年始改為府而商邱建焉
 又三十年而宋公為志然其意詳於田賦而畧於藝
 文非略於藝文也言土宜所急也以爲商邱濱河水
 患無歲無之其徙而南也則漂沒數百里其不徙而
 溢而南也猶漂沒數十里且南不通亳而待其自涸
 焉又壅浸數年雖與開封之蘭陽之杞山左之曹單
 諸邑同罹其患而一西一北彼高此下因地勢形詩

李序

所謂南東其畝也至于河或北徙則又夫役埽料之不可量焉公之苦心爲商邱慮深且遠也至于人物節孝寘矢出勿矢入柳子厚所講本之太史以著其潔公其有焉其後幾八十年而撫軍賈公以國家方議禮制度徵求天下志乘以成一代大典檄郡邑修之邑侯劉公哀集成書屬余裁定余請告里居杜門養疴惟時取古人論道諸書以自箴規何敢旁及然余謬附史館又志關桑梓誼不容辭且生長斯土洵素諳兼稟性迂拙三代直道硜硜不移則又不

敢溢一辭焉其詳于田賦而畧于藝文也曰惟宋公是述其人物節孝寘矢出勿矢入也曰惟宋公是述若夫春秋一書持寒暑之平以中養物賦役謹錄褒貶微言聖人之用也游夏且退余不敏何能測其崖畧焉

舊志序

章邱劉之驥

夫列國各有史郡縣各有志用以彰往法來備觀省
昭勸戒耳昔紫陽朱夫子出守南康卽詢舊志說者
謂其知治體邑志寧可闕與商邱爲古宋名區地靈
風淳異人挺生其可紀可傳之事不一而足第恐世
遠人湮文獻凋謝景物堙蝕昔者魯聖有歎宋之無
徵者良可悼哉不佞于順治十年簡授茲土甫入境
知商邱荒旱頻仍瘟疫叠見兼苦於兵燹之慘千家
竈冷萬井石田嗟呼今日之商邱非復昔日之商邱

矣余履冰數載撫殘黎而醫凋瘵將欲有所興革舊乘盪佚典章莫稽余用是憮然曰安得耆父備詳紀載能話數世興亡纂勒成帙上之當事公卿未有不聞於黼座曰商邱之戶口土田非復如舊也商邱之城郭人民非復如舊也商邱之貢賦徭役非復如舊也 詔責民牧培養而安全之將見百年之後禮樂可興風移俗易蒸蒸日上治所借邑乘以備轄軒之採者顧不重歟曩有博學賈子開宗留心今古從江南携商邱舊志一部示余不佞卽錄其殘編藏之笥

中欲爲增修柰都人士甫出湯火而大兵大差絡繹不絕爲令者風塵牛馬僕僕供應非不縈念及此顧亦我躬不遑爾幸蒙督撫部院賈公綏輯中州欲覽皇圖察興廢稽土田周知民隱洞悉賦役而尤爲蒐羅遺編博考文獻以廣 當宇照臨之所及此真握機樞而崇文治深得紫陽先生之旨而更大之余亦求爲獻納而不可得今果爲上之檄而欲採之修之矣詎非盛世不朽之事哉余凜凜奉命乃筮日開局具禮躬謁邑人今翰林院侍講李公日孝廉徐子作

肅明經賈子開宗蔡子覺春徐子鄰唐諸生陳子致
皆博學宏才彬彬名士爰檢昔日所錄殘編踵事增
華分章纂修閱數月而邑志成焉其間政事之因革
損益品類之盛衰消長時地之亨屯變遷人物之忠
孝廉節雖不于此盡悉而合以前數千百年所紀可
謂無剩義矣因詳舊志之修出於明萬曆十年邑令
呂乾健毀於崇禎壬午之春遭寇亂也今復修於順
治十五年之秋月

凡例

著書必先定其體裁體裁不定書不可得而著也郡
邑志雖紀一方之事而實備全史之體商邱舊志八
卷分作七志而節目六十餘條七志既無總序而節
目或序或不序非體也今刪七志之名而酌分四十
餘條每條各序以申其義庶體裁畫一焉
條目既各具小序而舊志之論有可采掇者仍附本
事後或亦序所未盡而別有論議亦隨事附見亦相
發明

紀年之有表此史家最有關鍵處如沿革官師科第非表不悉舊志無之今皆爲著表觀者釐然矣故事歲薦太學亦槩入選舉但歲薦有年可攷而太學無年可攷至例貢雖有貢名而其實與例監無異今歲貢仍入選舉而例貢例監別立恩列表以存典制舊志不列山川而有河渠以邑境無山也而邱陵岡阜之屬皆入之古蹟中今立山川一門凡河渠邱陵胥入焉溝洫津梁皆因川澤而有者也亦併附書商境地兼數邑周秦以來變更更多矣城池之廢興古蹟之存亡皆攷訂史傳特加詳覈校之舊冊迥乎倍

徒

邑本宋都宋諸城門舊見古蹟今城池詳載源流諸門已備列矣故古蹟中不復載

邑爲中原輻輳之壤春秋至今被兵者屢矣故山川古蹟于兵爭之處必備書又增兵燹一條編年紀月以叙戰鬪職事茲土者合形勢一篇並觀則守禦之策未始不可未雨綢繆也

商邑賦役一例起科本無煩雜惟定其大綱則一目

了然今首叙戶口次人丁次地畝次收併衛所丁地次實徵總數而總數之中分起解存支二項起解項內則分某某衙門若干存支項內則分某某項欸若干而雜稅鹽引之屬附焉一開卷而催科之能事畢矣惟國朝裁扣之項仍備列欸目于布政司條下倘後人有問昔年盈絀者猶可取而鏡也

志中人物卽史家之列傳舊本頗詳略失宜今取其蕪者刪之率者潤之庸而無足取者汰之新收者取諸公論參諸志狀稱量而爲之詞不敢有所溢美若其人現在雖名德照耀亦不立傳蓋人生品節大抵以身後論定者爲信云

人物各區門類不下數條亦各因其所就而品之非敢故有所抑揚也其附傳者亦必以類從之若名臣之子孫附於名臣之後者未必皆名臣蓋有一節可錄得附父兄之次亦史家之通例耳

婦女之行死節固難而守節尤難離鸞寡鵠雨夕風晨此人生最不堪之境而世或有議其隱微者非長者之言也宋俗本尙節義而鶴亭大尹志存闡幽雖

下屋窮簷有聞必錄此賢有司風勵末俗之意覽者勿以過多爲訾

官師表祇載年歲題名有政績者別立名宦傳此體例也舊志混而爲一今既析履歷爲表宦蹟爲傳各自章章矣若雖無崇功異政而或有善可取亦綴數言於題名之下選舉恩例諸表亦倣是

人物者元祇載本邑之人若仕於茲土者不洎人人物志舊志有英烈一條紀唐張許守睢巢芝園宋及明正德嘉靖盜發事以逮崇禎乙亥壬午之變併錄

死難官民雖皆邑事也但紀非紀傳非傳頗乖體例今戰爭事畧載之兵燹邑人死事姓名載之祠祀而其人足紀者更散見各傳至表揚諸公之長篇大章如韓柳諸文又載之藝文矣英烈一條竟爲刪去古蹟傳疑者多如龍亢應入懷遠志中已辨之但桓榮一家久載歸志以商邑亦有龍亢城之蹟耳如楚邱人物商邑所有者曹縣亦有之蓋楚邱故境今已商曹並分則人物自宜兩存桓氏一家亦姑仍舊貫以俟博雅者再攷

一邑人物元不必誌爲某地人但今邑兼舊數邑故宋已前皆沿史傳舊文曰某地人者以見昔之某地皆今之縣境也明以來則不復贅

藝文之哀約爲五類曰王言曰雜文曰賦曰古體詩曰今體詩各分以時代以代系人而凡作俱從之惟

文又于一代中分體以體系人而凡作俱從之而要以有關於邑事邑地邑人者方錄若柳梅雪月諸賦元于三者無所屬昔人以爲梁園故事而存之今亦未遑簡汰也

古人以圖書並稱言書必有圖也矧邑之封圻疆域尤非圖不晰者乎茲首繪萬壽亭昭聖澤也次縣治次城郭而治學遞及焉若黃河則邑之大川新河則邑之水利也故得並圖中云附郭邑爲郡治所麗有郡官郡署郡廟郡祀雖皆在

邑境而事屬于郡則郡有專志此不僭入
 舊志無佚事今採于省志及宋中丞偶筆諸書補其
 闕略但搜羅不廣不過聊備一變爾
 凡舊志序文例必附刊商志肇自呂侯乾德明季闖
 寇陷城板籍灰燼按劉侯復修時祇得賈靜子殘本
 今靜子遺裔銷亡即殘本亦歸烏有僅于宋氏譜牒
 中錄得宋莊敏跋一篇內已注闕三十字吉光片羽
 亦同拱璧亟弁首簡以存先正典型云

松川葉澐識

跋

邑人宋 纁

商邱縣設自嘉靖乙巳越三十六年辛巳曲沃呂侯
 既治商有成政矣嘆邑乘久缺後將何述適余在告
 而沈太史氏以丁內艱亦居憂于里乃闕館禮延安
 子所止姚子植徐子紹休赫連子應壽楊子三策張
 子問行侯子禮乾安子世鳳任分纂而屬余與沈太
 史氏總其事越明年壬午書告成余以一日長乃僭
 言于卷末曰信傳信疑傳疑史法也的然者飾其所
 本無厭然者揜其所本有譬諸繪像者弗像奚取于

像哉且見知者以為贗而聞知者即以為真矣夫志以彰往信來而欺也可乎哉余為此

下關三十字

飾不肖

之形以炫後世之美觀也若曰以為史法則吾豈敢

干問亦對于顯軍交于其風也其長其而顯余與武

干賦五種于蘇斜于路林赫數于顯表對于三榮

而此太史刃以丁丙展亦風變千里以國語斷安

到部商育氣如突對引飛八知必執而變數余亦

新阻顯難自真神了日越三十六半辛日由形區

姓

邑人宋

修志姓氏

舊修姓名俱載入宋劉二序中茲不重錄

訂定

文安劉德昌後公氏

編輯

崑山葉 雲蕃久氏

討論

邑人宋 起喜起氏 陳宗石子萬氏

邑人宋 超爾逸氏 葉增高子巖氏

邑人宋 陳 瓚文菴氏 宋如金武修氏

校正

邑人侯 勲子力氏 鄭 廉介夫氏

葉漢封大臣氏 曹 崑根遂氏

宋 斌盛治氏 楊 墳友仲氏

李 南化文氏

商邱縣志目錄

文安 劉德昌 重修

崑山 葉 湮 編輯

卷首

萬壽亭圖 縣境圖 城圖 縣治圖 學宮圖

黃河圖 新河圖

卷之一

沿革 星野 城池附形勢 封域 公廨附郵政

山川溝洫津梁附 風俗節序附 物產

卷之二

賦役 鹽引附

卷之三

學校 災祥 兵燹 古蹟 第宅 陵墓

卷之四

祠祀 坊表 寺觀 帝王 封建

卷之五

官師 名宦

卷之六

選舉

卷之七

恩例 賜封 武科

卷之八

聖蹟 先賢 名臣

卷之九

賢達 儒林 文苑

卷之十

武功 隱逸 忠烈 孝友 卓行 流寓

方技 仙釋

卷十一

列女

卷十二

藝文 王言

卷十三

藝文 漢至唐

卷十四

藝文 宋元

卷十五

藝文 明

卷十六

藝文 國朝

卷十七

藝文 賦

卷十八

藝文 古體詩

卷十九

藝文

近體詩
著書附

卷二十

藝文
摭佚

藝文

卷十九

藝文

新文
圖傳



卷十六

藝文

新文
圖傳

卷十五

藝文



萬壽亭在縣城東一里有武身鄉

萬壽亭在郡城東一里許先是我

皇上御極之三十年軫念豫士浹歲歉獲閭閻艱食

特沛

恩綸凡河南一道康熙三十一年之丁田稅糧盡行

蠲免兩河黎庶罔不踴躍歡忭而歸德一郡尤

感頌

浩蕩度無以報

聖恩於是相率而建亭斷碑以奉

聖書復構大厦五楹敬安

萬歲牌庶民子來不十旬而落成經始於壬申之仲

冬告竣於癸酉之陔月金甍籠雲畫棟耀采巍

乎煥乎爲一方之巨麗而百年父老歎曠古所

未有矣臣昌竊祿是邦纂修邑乘敬繪圖以冠



簡端仰



聖澤之宏長表臣民之愛戴而凡食毛踐土於斯者

永勿忘忠敬之悃於億萬斯年庶不負茲建亭



之意云河南歸德府商邱縣知縣臣劉德昌稽

首頓首而識之





縣治圖




縣文廟



啟聖祠

敬一亭



教諭宅

先師廟

訓導宅




東廡



西廡



戟門




名宦祠




鄉賢祠



橋星門




壁墻




縣儒學




文昌閣



訓導宅




明倫堂





西號房



東號房

禮門





學門





城南新河圖



是卽隋堤舊河也歲久堙廢順治末郡守宋國榮會
 開之未成而止康熙二十九年令周崇義募貲萬
 餘金復加修治直達亳界流入渦河但水本無源而
 河身又不甚深廣故無水之時常多而有水之時常
 少唯夏秋霪潦則積注汪汪焉顧境內苦無大川一
 遇澇年則阡陌化洪波而聽其自涸爲民患非小如
 此等河能踵而修之俾得常通常流以洩異漲亦未
 始無補於商民也

商邱縣志卷之一

沿革

商爲閼伯始封之墟啟有宋上公之國秦建睢陽
 漢都愛子歷代爲郡國治而中包蒙薄穀熟楚邱
 諸邑明以楚邱入曹縣唯蒙薄穀熟與睢陽舊境
 皆今商邱地廢興離合論世者所必究表而出之
 開卷不瞭然耶

哈佛大學哈佛葉宗
 圖書館珍藏印

唐	總部	國郡	縣
豫州		商邱	
		封高辛 子閼伯	

虞

豫州

於此鄭子產所謂後帝不滅遷闕伯于商邱者是也

商邱封司徒契于此

一曰契初封於上洛後遷於商邱上洛

今陝西南商州地

地

夏

豫州

商邱

契孫相士封此

代闕伯主火正八遷而至

湯成

商

豫州

商邱

湯徙都南亳在

漢穀熟縣地一曰在今亳

州境

周

青州

周職方併徐於

宋封微子啟于闕伯之

青宋地在夏墟今商邱故商雖屬于豫

而周青州之王時齊楚魏數曰孟諸則滅之而三分

豫之東北境其亦割入于青

矣蓋孟諸固宋境耳

秦

新州

穉郡

睢陽

置縣始此

漢

豫州

梁國

睢陽都梁王

蒙

薄 卽亳東漢改屬梁國

東漢

豫州

梁國

睢陽

蒙

薄 廢晉

穀熟 建武二年分睢

陽縣置

晉

豫州

梁國

睢陽

南宋

南豫州

南梁郡

穀熟 後廢

睢陽 大明十年改睢

陽 曰壽春八年復爲睢陽

蒙

後魏

南兖州

梁郡

睢陽

蒙 又曰北蒙 齊廢

隋

豫南

梁郡

宋城 改睢陽 爲宋城

穀熟 開皇十六年復

唐

河南道

宋州

宋城

五代

宋州
後梁宣武軍治

宋城

宋

京東西路

應天府
景德二年

宋城

金

南京路

歸德府

睢陽
改宋城復為睢

穀熟

此後唐改曰歸德軍

穀熟

升宋州為應天府大中祥符七年建南京

穀熟

元

河南江北道歸德府

明初降府

睢陽
明初廢省入歸

明

河南布政司歸德州

初直隸河南布政司洪武二十二年改隸開封府

德州

穀熟
元廢省入睢陽

歸德府

商邱
嘉靖二十四年

升州為府復置縣即今治

也以闕伯舊封故名

國朝仍明制

星野

豫州分房心之野宋自昔主心在漢為梁國都梁隸豫州部分野屬心無疑而明代人有以歸郡入角亢之次者以明初郡隸開封故也今為之正其訛矣

周禮註疏史記漢書俱以房心為豫州左傳曰心宋之分野漢地理志曰宋地房心之分野晉天文志曰

自氏五度至尾九度為大火于辰在卯為宋之分野按宋本大國故自為分野觀之闕伯相土皆主火正于此則心為宋之分野無疑矣

宋天文志曰心宿三星天王正位也中星曰明堂天子之位為大辰主天下之賞罰前星為太子後星為庶子不欲其直直則王者失勢明大則天下同心天下變動則心星見祥

舊志曰宋九邑雖五星而究竟心為宋之分宿天上一度為人間二百五十里總不出心度也明崇

禎十四年秋天狗墜于心宿之野十五年宋郡城破殺戮十餘萬人則宋為心野之明驗不較然與

城池

邑各有城倚郡郭者無城非無城也郡城即邑城也商邑置郭內郡城之源流即邑城之源流也若論形勢實江淮之屏蔽而河洛之襟喉也故備採

舊論以為保障者鑒

府城春秋宋國城也其城東門曰揚門

禮檀弓元公入自揚門左

傳昭二十一年宋元公以華向之亂公自揚門見公徒下而巡之漢時東門猶曰揚門又東北

門曰蒙門

左傳襄二十七年宋公及諸侯之大夫盟于蒙門之外是也

南門曰盧

門左傳桓十四年宋伐鄭取大宮之椽歸為盧門之椽又昭二十一年華氏居盧門以南里叛杜預曰

唯陽有東南門曰堙澤門即孟子魯君所呼門也括地志宋東城南門曰澤門

左傳襄十七年宋皇國父為平公築臺築者謳澤門之哲實與我役者也魯君所呼當在此西北

門曰曹門左傳成十八年鄭伯北門曰桐門十年楚及鄭圍宋門于桐門又昭二十五年宋樂大心居桐

門稱桐門右師又哀二十六年宋景公無子畜公孫周之子得與啟景公卒啟立得夢啟北首而寢于盧

門之外已為烏而集于其上味加于南門尾加于桐門是

也又外城門曰桑林門左傳昭二十一年宋城舊

郕門或曰宋郊外門宋武公時郕班御皇父充石獲長狄緜斯宋公以門賞郕班使食其征謂之郕門是

也漢梁孝王都於此

本封大梁以地卑濕徙睢陽

北征記城方三

十七里南臨濊水

即睢水

凡二十四門

漢書孝王築東苑方三百餘里

廣睢陽城七十里

唐建中時亦為宣武軍城城有

長慶二年宣武叛將李弁攻宋州陷南城刺史高承簡保北二城與賊戰却之咸通十年徐賊龐勳

襲攻宋州陷南城刺史鄭處冲守北城以拒賊宋為南京城城周十五里四

十步東二門南曰延和北曰昭仁西二門南曰順城

北曰回鑿南一門曰崇禮北一門曰靜安內為宮城

周二里三百六十步門曰重熙領慶京城中有隔城

門二東曰承慶西曰祥輝東有關城

東面外城也周二十

五里八十三步東南北各有一門金之將亡也以汴

京危急謀出幸或言歸德四面皆水可以自保既而

金主出頓歸德復走蔡州志曰舊城周十二里三百

六十步明初少裁四分之一宏治十五年圯於水正

德六年重築乃徙而北之今南門即舊北門故址也

知州楊泰修周冕繼之始克竣事圍七里二分五釐

共一千三百四丈二尺五寸高二丈頂濶二丈址濶

三丈八年知州劉信建四門外樓四座及東南門內

樓二座其在西北者尚缺嘉靖三十四年知府王有

爲補足之又增置角樓四敵臺一十三警舖三十二
三十七年巡撫都御史章煥檄知府陳學夔包以磚
門四東賓陽西垤澤南拱陽北拱辰水門二一在南
門東知州王範建一在南門西指揮梅旻建 國朝
康熙二十六年知縣周宗義重修復建門樓

池距城丈餘濶五丈二尺深二丈

城隍距城一里許圍一十六里濶二丈址濶六丈一
尺明嘉靖間巡撫都御史魏有本檄知州李應奎築
邑人李嵩有記

隄河距隄丈餘深濶不等

舊志曰語云三里之城七里之郭城之最小者也
郡方七里不及于他郡之大邑焉明崇禎八年春
二月流寇趨宋四方村民避居于城逼狹不得容
遂環隄而守之樹以門柵編以籬木及賊破隄而
殺者萬人十二年遂因隄築城以磚砌之外圓內
方堪輿家所謂錢形金戈之象也十五年春三月
二十六日賊以百萬逼宋攻一晝夜西南門潰賊
遂入殺戮官吏士民近二十萬人河之南除開封

堅守之外百餘邑皆開門延賊而宋與陳及太康
三處獨拒之其猶有張巡許遠之遺風與自賊破
城而平其外郭之半而復爲隄然宋隣黃河所虞
者不獨寇也河之在秦晉與徐也從上漫之而自
滎陽至碭山八百里則黃河明行于上濟河伏流
于下每河衝于下則濟從九泉之下而陷焉然濟
流有合有分其合不可禦也其分不可不禦也則
夫城下半之砌磚者不可去也又外城東西南北
及東南西南西北有七門焉宜塞之而人行其上

如隄之道路卽黃水衝決緩急亦有可恃矣

形勢附

南控江淮北臨河濟彭城踞其左汴京連于右形勝
聯絡足以保障東南襟喉關陝爲大河南北之要道
焉

按歸郡據江淮之上游爲汴洛之後勁春秋時宋
以亡國之餘爭長于山東諸侯者數百年楚漢之
相拒滎陽成臯間也彭越爲漢狗彘地往往攻下
睢陽外黃等城絕其軍後破其積聚楚是以敗景

帝時七國之變梁實當其衝吳楚兵不敢過而西
卒以破滅後漢初劉永擅命于睢陽號召東方居
然強敵晉永嘉以後中原淪喪王師出于彭城梁
宋爲必經之道而揭竿之徒亦由此以震動淮泗
蕭梁因元魏之衰嘗道出梁國席卷汴洛而不能
保也蓋睢陽襟帶河濟屏蔽淮徐舟車之所會自
古爭在中原未有不以睢陽爲腰膂之地者唐天
寶末張巡許遠力守睢陽以抗賊鋒賊圍益急或
議棄城東走巡遠曰睢陽者江淮之保障若棄之
賊必乘勝長驅是無江淮也論者謂睢陽堅守旣
足以挫賊之鋒使不敢席卷東下又卽以分賊之
勢使不得併力西侵江淮得以保富庶之全力贍
給諸軍賊旋蕩覆張許之功於是乎偉矣興元末
李希烈僭逆劉洽以宋州之兵西入大梁及咸通
之季龐勛據彭城以倡亂勢甚張而王師厚集於
宋州賊以平定宋建陪京于此其後蒙古攻金汴
京遣偏師陷睢州攻歸德歸德破汴亦不守郡
之形勢與徐汴相表裏不較然哉

封域

邑之四境各有疆界界內之民舊有居遷之異而里社因之有別數百年來河決城徙兵火數更故籍安取證乎且時異勢殊經制亦迥非昔矣若夫郭內之街衢郭外之市集皆邑人貿遷熙穰之所也觀其盈虛興廢可占民之登耗焉

縣在省城之東三百里東至夏邑縣界六十里到縣一百一十里西至甯陵縣界四十五里到縣六十里南至鹿邑縣界七十里到縣一百里北至山東曹縣

界七十里到縣一百三十里東南至江南亳州界九十里到州一百二十里西南至柘城縣界六十里到縣九十里東北至虞城縣界三十五里到縣六十里西北至考城縣界六十里到縣一百三十里東西廣一百五十里南北袤一百四十里達京師陸路一千八百里水路二千三百里

縣領編戶二十七里曰北社曰南社曰西社曰東社曰東曲睢鄉曰中曲睢鄉曰西曲睢鄉曰北曲睢鄉曰北馬牧鄉曰中馬牧鄉曰南馬牧鄉曰東葛驛鄉

曰西葛驛鄉曰中葛驛鄉曰中信一鄉曰中信二鄉

曰甯得一鄉曰甯得二鄉舊志曰以上為居民曰永安一鄉曰

永安二鄉曰永安三鄉曰永安四鄉曰永安五鄉曰

永安六鄉曰永安七鄉曰永安八鄉曰永豐一鄉舊志

曰以上為遷民

城以內街衢曰大隅首者城之中心也隅之東出賓

陽門者曰義字一街二街隅之西稍北出垵澤門者

曰澤字一街二街三街隅之南出拱陽門者曰元字

一街二街三街四街隅之北出拱辰門者曰禮字一

街二街三街四街義字街之南出者府前曰宣化街

稍東曰文場一街二街三街四街又東曰鳳池一街

二街三街四街又東曰睢陽一街二街三街四街義

字街之北出者府東曰義字三街四街五街又東曰

孝字一街二街三街府後曰節字一街二街三街澤

字街之南出者曰教字一街亨字一街二街三街四

街稍西曰化字一街二街利字一街二街又西曰仁

字一街貞字一街二街三街澤字街之北出者曰教

字二街稍西曰化字一街二街三街四街又西曰仁

字一街二街三街四街元字街之東出者曰孝行一街二街三街稍南曰正人一街二街三街又南曰君子一街二街又南曰仁義東巷元字街之西出者曰老字一街二街三街稍南曰仁和一街二街三街又南曰利字三街四街又南曰禮義一街二街又南曰仁義西巷禮字街之東出者曰廉字一街二街三街稍北曰信字一街二街三街又北曰忠字一街二街又北曰弟字一街二街禮字街之西出者曰訓字一街二街稍北曰習字一街二街又北曰順城一街二

街又城內四週俗名皆曰馬道今孝字街睢陽街即

東馬道仁字街貞字街即西馬道仁義巷東西即南

馬道弟字街順城街即北馬道

城以外市集東面有陳家集離城十里平臺集離城十里

文家集離城十里馬牧集離城四十里劉家店離城十里

侯家集離城十里宗祿村離城七十里西面有水池舖

離城二觀音堂離城四十里南面有古宋集離城五

趙口離城十里李家口離城十里十字河離城六順河集離城

十里包公廟離城六沙堰店離城八十里北面

十里俱舊集十里俱新集十里俱新集十里俱新集

有鄧斌口離城二里 潘家口離城三十里 清涼寺離城十八里

平頂堦堆離城五里 鄭村離城十里 高家村離城五里 以上

係新 東南面有蔡家道口離城十里 穀熟集離城十里 四石

榴烟站離城六里 濟陽集離城九里 閻家集離城十五里 塢墻

集離城六里 宋家集離城八里 柳林集離城十里 營郭集離城

七十界溝集離城九里 黃塚集離城九里 杜家集離城十里 六

馬頭寺離城一百里 韓村店離城十五里 沙土集離城十里 以

上新係 西南面有毛堦堆離城十里 郭村集離城十里 勒馬

集離城五里 高辛廟離城四十五里 四大王廟離城五里 十

趙段店離城十里 婁靳店離城四里 開花店離城五里 田家

集離城六十里 東北面有丁家道口離城十里 孫家集

離城三十里 朱孫集離城十五里 西北面有小壩集離城

三十車箱集離城五里 謝家集離城十里 張家店離城

二十三陵臺離城十八里 以上係新增

按舊志之稱集者祇三十有四今已加其二十可

見四十餘年生聚實林林總總矣兵三不試賦歛

不加豈不享承平之福哉

公廨

睢陽古治圯於舊城嘉靖新營亡於寇燹 國朝
 復建縣治遞年增修規制粗備至大吏按部之臺
 皇華駐節之館皆昔人經制所存也今名具而實
 亡者多矣姑存之以冀興復

縣治在城西南隅明嘉靖二十四年知縣曾騰鳳因
 舊隆興寺改建崇禎十五年流寇破宋遂遭焚燬後

皆寓于民居 國朝順治七年知縣李守功于舊治

重建十一年知縣劉之驥增修康熙三十八年知縣

劉德昌抵任復加修治煥然改觀有大門三儀門三

大堂五庫樓一間在北庫房三間在東退食堂三間在知

縣宅在退食縣丞宅在知縣主簿宅在知縣典史

宅在縣丞六房廊在大堂前東西戒石亭在大吏廨

在土地迎賓館在儀土地祠在儀獄在儀旌善亭

在大門寧明亭在大門馬廐在西

北察院在城內東北隅嘉靖二十二年知州李應奎

建今廢

南察院在縣治東北孝行街舊爲守備署明嘉靖四十年改參將府後裁去萬曆四年又改爲分守道八年復改爲御史行臺崇禎十五年城陷焚燬 國朝順治十年知縣劉之驥因舊址重建康熙八年知縣祖文明重修

布政分司按察分司兵備道三署舊在南察院西明季並燬于寇 國朝順治年間知縣劉之驥會修復其一因巡按御史被裁道員無出巡之例並亦塌毀

康熙十七年知縣朱衣貴即其故址改建縣城隍廟

焉草木猶然而新歲則縣而公署具於西

歸德府在城中央稍東明嘉靖二十四年知府蔡汝

楠因州署改建詳見府志

歸德衛在大隅首西今廢

參將府故址卽今南察院 國朝復設參將移駐城

東南隅民居今名兵街中軍守備署在其後

商邱驛舊在城西向係府屬今以驛務併商邱縣管

理而驛舍亦廢

丁家道口巡檢司在城北三十里明正統十年僉事柴華奏設知州衛庸建嘉靖三十五年裁管河三簿之在丁家道口者改其署爲巡檢司而巡檢舊署廢今巡檢亦裁署廢

濟陽公館在濟陽鎮明嘉靖二十一年知州李應奎創建萬曆六年知縣呂乾健重修今廢

舊志曰國語單襄公曰雨畢而除道水涸而成梁草木節解而備藏隕霜而冬裘具清風至而修城郭宮室此先王所以不用財賄而廣施德于天下

者也爾風曰我稼既同上入執宮功兵戈以來公署久廢皇華之使至權厝民居騷侮侵凌無以寧處今一統車書之盛非復曩日倘能重葺諸公廨以寧使節非特賓至如歸而居處之家亦安如磐石矣

預備倉在縣治後明知縣翟繡裳建今廢

預備新倉在縣治西北

廩房計十五間

明知縣呂乾健建

國朝康熙三十二年知縣周宗義增建廩房九間

常平新倉在縣治西與舊倉相對康熙三十三年河

南巡撫侍郎顧汧捐銀二百兩檄知縣周宗義建廩房二十九間

義倉在縣學前明知府邵惟中建今廢

民教場在西隄外稍南

潤六十五步長一百一十一步計地三十畝六釐二毫正

堂三間後堂三間

軍教場在外城西南門內地五頃餘舊有營房數百

間今多賃為民居

舖舍有總舖在府治西金果園舖歡垵舖李二舖

以上

東徐村舖高辛舖訛路土西十里舖木池舖

以上西路萬戶

府命築臺于府門之左受命即皇帝位於此

商邱在城西南三里高八十八尺周二百步說者謂

邱之精氣上應列星世傳闕伯臺即是邱也

滂邱在城北十餘里有磚塔明永樂十三年圮于水

楚邱在城北四十里按楚邱春秋時為宋邑秦置已

氏縣隋改楚邱自隋迄金俱屬宋郡至元始改屬曹

州明初縣省按其故境今入曹縣者半而入商邱者

半是以唐宋人物兩縣並志

穀邱在城南四十里春秋桓公會宋公盟于穀邱即

此
青岡在城西南二十五里
杏岡在城東南五十里

黃河在城北三十里丁家道口東北達徐州

舊志曰黃河爲商邱大害土弱地勢卑民貧無恒
產百年之間輕者三溢重者兩溢溢則房舍雞犬
湮沒一空又無高阜山陵可以暫救民命墳墓衝
擊變遷搖動雖神禹復生莫能施其智于一邑也
長此大害與天地相終始前之仁人君子惟有減

賦輕徭補救造化卽黃河兩岸北如曹單西如蘭
儀無不同罹此患而商獨苦故歲修之工日無暇
休而協濟夫役不減他邑田之荒者旣告墾墾之
熟者旋成荒濱河而不敢引水雨大則二灘汪洋
時稍豐下水去之易偶儉上水挽之難有害無利
土著維艱議者倣浙中圩田之制兼以上古溝洫
法家自爲區人自爲隄河口衝激之處不過數十
武漫衍寬平纔深尺許者可不及于患然而人憚
作始歲久乃集則又賴良有司之興創而非士民

之所得而私議者也

賈魯河在城西北四十里元工部尙書賈魯督修因名

沁河在城北三十五里源出縣山今爲黃河所併

清河俗稱清河嘴乃賈魯河入沁之處

潑河在城西北四十里

白河在城東三十五里經夏邑永城達于小黃河

汴河在城南五里或云卽浪蕩渠源出滎陽縣大石

山元至元中淤嘉靖中曾疏之今復成平陸矣

馬腸河在城西南二十五里舊黃河之支流

新河在城南知縣周宗義所濬詳見圖說

沙河在舊城南門外源出汴入亳

團陽河在城西南十八里

元明河在城南五里相傳宋太祖爲歸德軍節度使

嘗飲馬于此又云飲馬池

隕石河在城北一名漆溝春秋隕石于宋五相傳水

涸時五石宛然

南湖在城南五里相傳爲梁孝王園池故址宋晏元

獻放馴鷺于湖中蘇轍有記

白沙渠在府東又有石梁渠宋張元知應天府治此
二渠民無水患

趙渠在府東南志云卽賈魯所開大河故瀆也自商
邱虞城而東達蕭縣至徐州明嘉靖末始北徙萬厯
初總理河道尙書潘季馴議復開之以費重而止二
十六年總河劉東星復濬趙渠功未竟而卒

孟諸澤在府東北接虞城縣界今虞城縣西北有孟
諸臺亦故澤地也禹貢導菏澤被孟諸爾雅十藪宋

曰孟諸左傳僖二十八年楚子玉夢河神賜以孟諸
之麋又文十年宋道楚子田孟諸哀十四年宋皇野
語向巢迹人來告逢澤有介麋焉或曰逢猶遇澤卽
孟諸周禮謂之望諸史記謂之明都漢志謂之盟諸
睢水在府城南自開封府陳留縣東南經睢州甯陵
縣之南流入境又東至夏邑永城之南而入江南徐
州南界春秋僖十九年宋襄公用鄩子於次睢之社
成十五年宋華元討蕩澤之亂其黨魚石等出舍于
睢上元止之不可則決睢遂閉門登陴以備之魚石

等皆奔楚漢建安七年曹操軍譙遂至浚儀沼睢陽
渠胡氏云睢水於浚儀首受浪蕩水東過睢陽故曰
睢陽渠一云睢水即濊水

澮水述異志云睢渙二水謂之澮水今武津關有澮
河故道

渙水亦汴水之支流也或云即濊水東南流入永城
界出江南宿州又有黃水穀水推水漆水逐水濇水
皆在宋境今無可考

黑龍潭在城西北一里水黑因名今淤又小埧西亦

有黑龍潭

溝洫附

流臘坡溝長十里焦家注溝長五里靳家店溝長三十里毛堦

堆集溝長三里桃園舖溝長三里今古寺溝長二十里營郭集

溝長七里婁家店溝長五里馬牧集溝長一里半高辛集溝長八里

順河集溝長五里以上廣各一丈深淺隨地勢不一

俱知縣呂乾健督民疏濬古宋集溝廣一丈長二十里達於

李家口河知縣吳允中所開以疏水者至今賴之

舊志曰溝洫古制也久與井田俱廢矣然其利有

見于一方者若呂侯吳侯所濬之溝是也可見水
潦雖屬天行疏導則在人力况商邑廢河縱橫既
脫百里若踵事增修因勢疏濬境內永無波沉之
虞矣君子苟存心于利物所在開成寧止一溝漁
已哉

津梁附

武津關在城東南三十五里路通徐亳明初設有巡
檢司久廢

先春橋在東門外

泝洛橋在西門外

拱極橋在北門外

通濟橋在舊城南門外跨沙河明鎮撫夏亨孝子楊
敬建久圯

五里橋在城東五里

海鴈橋在城南五里宋夏竦自青社攜二鴈置南湖
中因名

趙興橋在城東三十里

毛仲橋在城東南二十五里俗訛爲芒種橋

水池鋪橋在城西二十里跨馬腸河

郭梁橋在城北三十五里跨賈魯河

徐段橋在城北五里入淤

張洪橋在城東北馬牧鄉跨白河張洪建因名

溫家橋在西隄外

沈公橋在城西南十八里跨馬腸河俗名薛家橋

舊志曰橋梁利涉也徒杠廢而國僑貽譏川梁隳

而單公以刺此亦長民者之所有事矣顧上之所

以急民之病而捍其患與下之所跂而望以庇焉

者寧僅一橋梁也哉廣而行之是必有道矣

風俗

宋山澤之氣行乎風仁暴之化因乎俗宋本亳都宜

有先王遺教而時異勢殊滄桑且易位而况于人

乎茲集古今所稱者並著于篇孔子曰擇其善者

而從之其不善者改之將比屋可封耳至節序所

尚與他邑大同小異亦一方之槩也例得附書

宋之水輕勁而清故其民簡易而好正

重厚多君子好稼穡惡衣服以致畜藏

管子
漢地
里志

其俗激昂而奮厲

山堂考索

人有忠義之風本于張巡許遠之表倡

異聞集

習俗淳厚喜勤尚質

元地里志

士有忠義之風民有仁厚之俗

舊州志

奢靡漸熾游惰間出重名節敦道義君子所長健訟

鬪乖禮教細民之短

續州志

宋士平衍民風淳朴昔之君子多敦信義重廉恥雅

好經術喜通賓客有明之季一時名公巨卿項背相

望而雪苑文社遂與江左爭雄長彬彬乎盛矣邇來

禮讓之風偷而衣冠之胄蓄睚眦較錙銖者不少矣

詩書之道微而鬢序之徒譏面墻矜佻達者亦時有

焉夫舊族喪祭不用浮屠此伊洛之教也而停殯亦

有十年不舉者萬金之家嫁女不滿百貫可謂婚姻

不論財矣但婦死而婦黨爭小儀不周輒訟壻以殺

女者什而五也若夫奢其所不當奢而儉其所不當

儉為事非一不可枚舉至于閭閻游手固無日不以

飲博為業而世家田宅委千金于一擲者亦比比而

然此尤俗之不臧者也唯小民急于輸將而士紳無

敢挾持公府則較他邑稱良焉

節序 附

正月元日早起祝內外神拜家慶畢徧謁親友謂之

拜節

三日展墓

七日俗傳闕伯火正生辰男女羣集于闕伯臺及火

星廟進香車馬闐咽喧豗累日

上元日張燈放烟火

十六日男女出遊女歸寧母家云走百病

二月三日為龍擡頭以青灰繞布宅舍云圍倉嫁果

木以為多實

清明日加土於墓挂紙錢設牲醴祭奠

四月十八日北關泰山行宮大會

五月五日食角黍飲雄黃菖蒲酒塗小兒耳目鼻口

曰避毒蟲貼符插艾餽師遺女

六月六日早取水不腐用以造麩則良是日曝百物

驅蟲不蛙

七月七日乞巧

十五日展墓

八月十五日餽師遺女晚供瓜餅家慶合歡謂之圓

月以六日早郊水不飲餽師遺女

九月九日賞菊登高餽師遺女

十月一日展墓罷備作黃酒盞小兒耳日與日

十一月冬至日祭先拜冬

十二月八日以諸菓品煮粥曰臘八粥髡小兒

二十四日掃舍祭竈

除夕貼門神豎桃符而嫁娶之失時者輒于是夕

之以爲諸神不在百無禁忌云

瓜物產王瓜西瓜冬瓜佛手瓜苦瓜

商邑土莽人推無丹漆金錫之饒無奇技淫巧之

弄玩五穀六畜蔬菓魚蟲皆他邑所同也若盡舉而

削之則無一可見矣今仍其舊而至瑣者忽焉

穀之屬有粟其種不一古粟之精者稷一名稌黍

有飯黍黏稻水旱二種麥小麥日來蜀秫以種自蜀來

蕎麥 脂麻俗作芝菜豆 黃豆 青豆 黑豆

花豆 豌豆 綠豆 黍音衫一名龍爪粟俗名鴨爪稗

貨之屬有絲 綿 絮 綿紬 絹 布 蜜 硝

黃蠟 白蠟 靛 小藍 蘇油 菜油 絲

蔬之屬有葱 韭 芹 芥 蒜 茄 白菜 蒲

芋頭 雲臺 蒿 薺 一作茶俗名曲曲菜 莧菜 蕪荪

蘿蔔 紅白二種 菠菜 茼蒿 蔓菁 馬齒莧 生菜

芫荽 甘藷 茗蓬 葫蘆 磨菇 土豆 眉豆

刀豆 豇豆 扁豆

瓜之屬有王瓜 西瓜 冬瓜 甜瓜 苦瓜

菜瓜 稍瓜 南瓜 地瓜 絲瓜

果之屬有桃 李 梨 杏 梅 棗 柿 柰

石榴 沙果 蘋果 花紅 櫻桃 核桃 葡萄

蓮房 羊棗 藕 無花果 文官果

木之屬有桑 槐 榆 柳 椿 棠 檜 栢

柘 桐 楮 楊 竹 椒 槿 杞 棟 楸

檇 冬青

花之屬有牡丹 芍藥 菊 葵 臘梅 白梅

紅梅 綠萼梅 海棠 茶蘼 薔薇 丁香

芭蕉 棣棠 芙蓉 萱 迎春 月季 寶相

玉簪 雞冠 荷花 石竹 百日紅 紫荊

夜合 火丹 松丹 卷丹 玉堂春 小桃紅

山丹 凌霄 木香 水仙 秋海棠 瑞香

木槿 金沙 金盞

草之屬有苜蓿 葦 蓼 蘆 荻 藻 茅 蔓

莎 菖 稗 汜勝之日稗中有米搗取炊食不減粟米又可釀作酒 連節

馬蘭 繡壁 無花果 女官果

藥之屬有木瓜 草麻 大蒜 蟬退 殭蠶

蠶蛾 地黃 米殼 懸蘆 括蕞 牽牛 薄荷

山藥 地榆 茴香 紅花 蒺藜 菖蒲 艾

商陸 稀莧 南星 瞿麥 牛膝 紫蘇 大薊

馬勃 甘菊 地丁 杏仁 桃仁 蒼耳 栢實

鹹荊 三稜 荆芥 天仙子 蛇床子 決明子

楮實子 枸杞子 香附子 桑白皮 益母艸

麥門冬 夏枯艸 白蓮蕊 金銀花 猪牙艸

薏苡仁 蒲公英 兔絲子 地骨皮 天花粉

天門冬 佛座心 透骨草 酸棗仁 欵冬花

旱蓮艸 夜明沙 王不留行

禽之屬有鵝 鴨 雞 鷹 鸛 鶴 鶻 鶻

烏 雉 瓦雀 喜鵲 紫燕 黃鸝 鶻 鶻

鵲 鷓 畫眉 蠟嘴 鷺鷥 鶻 鶻 啄木 班鳩

布穀 鶻 鶻 麻鵲 黃雀 鶻 俗名 鶻

獸之屬有牛 馬 羊 騾 驢 豕 犬 貓

兔 狐 獾 貉 鼠 蝟 地羊 頰蒼

魚之屬有鯉 魴 鯽 鮎 鱸 鱖 鰱 白鱖

蟲之屬有蠶 可以帛 蜂 可以蜜 蠟 可以燭 蠟本蟲屬土

久而熬之其膏明潔如礬亦曰白蠟為澆燭者所必資

以上三蟲有裨世取其他蚊蠅之類皆世所共且為物甚微而又無所益于用舊本雖有今志不備

書

牡丹非商產也南盛于亳北盛于曹商界曹亳之間好事者往往藝之以供清玩而邇來頗聞於四方徵求者麇至而佳種鮮存矣木瓜本產虞城商以接壤故亦稍植之近亦有官瓜之採焉

商邱縣志卷之二

賦役

則壤定賦計口科徭此不易之經也商邑田糧丁稅皆準于一則故民易從而樂輸然而終歲勤動家不加饒一遇災祲流殍立告是皆人鮮蓋藏而耕九餘三之道未講也後之司牧可不念諸

通縣原額戶口無照今實在貳萬伍千伍百伍拾陸戶陸萬貳千肆百叁拾口

原額人丁貳萬伍千伍百伍拾陸丁逾額人丁捌千

叁百玖拾伍丁除紳衿優免陸百壹拾玖丁外實在
行差人丁叁萬叁千叁百叁拾貳丁每丁一例派銀
叁分該丁銀玖百玖拾玖兩玖錢陸分

原額地陸千伍百柒拾頃貳拾陸畝壹分伍厘玖毫
陸絲貳忽伍微內除堤壓河占繚繹等地壹千壹百
貳拾捌頃伍拾捌畝柒分肆厘玖毫陸絲貳忽伍微
實在行糧熟地伍千肆百肆拾壹頃陸拾柒畝肆分
壹厘

原額銀貳萬陸千貳百陸拾貳兩貳錢陸分玖厘捌
毫壹絲柒忽叁纖貳沙肆塵壹埃又明萬曆年間每
畝加增銀玖厘併補徵漕耗黃丹等項每畝派銀伍
分捌厘叁絲柒微肆纖壹沙壹塵貳渺叁漠貳灰遇
閏照依賦役則例每畝派銀壹厘肆毫捌絲伍忽壹
纖捌沙貳渺壹漠於 國朝康熙肆拾叁年貳月內
奉文每畝分徵漕項輕折銀伍厘壹毫捌絲玖忽貳
微陸纖陸沙壹塵玖埃貳渺玖漠壹灰其實徵銀叁
萬肆千玖百柒拾兩肆錢柒分伍厘叁毫柒忽叁纖
貳沙肆塵壹埃遇閏加額共銀玖百叁拾捌兩陸錢

陸分柒厘肆毫內有漕項輕折共銀貳千捌百貳拾叁兩捌錢貳分玖厘伍毫肆絲肆忽

又原額內有堤壓河占地清丈並自首出退灘熟地捌百柒拾玖頃貳拾肆畝壹分陸厘貳毫貳絲玖忽肆微每畝派銀伍分柒厘貳毫陸絲壹忽叁微柒纖玖沙叁塵柒埃肆渺壹漠遇閏照依賦役則例每畝派銀壹厘肆毫捌絲伍忽壹纖捌沙貳渺壹漠共實徵銀伍千叁拾肆兩陸錢伍分捌厘捌毫遇閏加額銀壹百叁拾兩伍錢陸分玖厘

又新收更名地玖頃伍拾柒畝伍分陸厘捌毫除補徵等項不徵外每畝派銀伍分柒厘貳毫陸絲壹忽叁微柒纖玖沙叁塵柒埃肆渺壹漠共銀伍拾肆兩捌錢叁分貳厘叁毫遇閏加額銀壹兩肆錢貳分壹厘肆毫

又收考城縣獅子庄更名地玖拾壹畝壹分陸厘每畝派銀伍分肆厘玖毫陸絲肆忽捌纖壹沙肆塵伍渺叁漠共派銀伍兩壹分伍毫遇閏加額銀壹錢玖分陸厘伍毫貳絲

又收開封府杞縣代徵桑園廠更名地拾玖頃貳拾壹畝貳分每畝派銀肆分肆厘柒毫貳絲柒忽貳微玖纖捌沙貳塵肆埃玖渺貳漠共派銀捌拾伍兩玖錢叁分壹毫遇閏加額銀壹兩貳錢陸分肆厘柒毫又收陳言廠額外荒地玖頃貳拾陸畝玖分玖厘陸毫柒絲每畝派銀貳分肆厘今全熟共派銀貳拾貳兩貳錢肆分柒厘玖毫貳絲捌微

又收程朋等伍廠額外荒地共伍百壹拾伍頃捌拾畝柒分叁厘叁毫陸絲今全熟每畝派銀壹分叁厘陸毫陸絲貳忽共派銀柒百肆兩玖分陸厘肆絲貳忽壹微陸纖肆沙柒塵叁埃

又額外宣武衛地陸頃捌拾玖畝每畝派銀叁分叁厘共派銀貳拾貳兩柒錢叁分柒厘以上叁款遇閏並無應加閏月款項亦無外加閏月銀兩

收併宣武衛原額人丁拾叁丁內分上下則叁丁每丁派銀叁錢伍分下上則陸丁每丁派銀貳錢伍分下中則叁丁每丁派銀壹錢伍分下下則壹丁派銀

伍分以上肆則人丁共派銀叁兩伍分

原額地拾壹頃捌拾捌畝全熟每畝派銀貳分壹毫陸絲捌忽叁微伍纖壹塵陸埃捌渺肆漠共派銀貳拾叁兩玖錢陸分遇閏加額銀玖錢玖分

收併歸德衛原額人丁貳千伍百壹拾貳丁又逾額人丁壹千伍百叁丁原額丁銀無照今準民丁起科每丁派銀叁分共派丁銀壹百貳拾兩肆錢伍分

見故軍屯地叁千肆百伍頃柒拾貳畝每畝派銀壹分陸厘共派銀伍千肆百肆拾玖兩壹錢伍分貳厘

遇閏加額銀肆拾陸兩陸錢叁分捌厘玖毫玖絲叁

忽

又軍屯自首地壹頃陸畝肆分柒厘伍毫每畝派銀壹分陸厘共派銀壹兩柒錢叁厘陸毫遇閏加額銀壹分肆厘伍毫捌絲壹忽

又官舍原額籽粒地玖百貳拾伍頃柒拾叁畝陸分肆厘每畝派銀貳分玖厘共派銀貳千陸百捌拾肆兩陸錢叁分伍厘伍毫陸絲遇閏加額銀貳拾貳兩玖錢捌分捌厘叁毫七絲陸忽

又官舍籽粒自首地玖畝伍分每畝派銀貳分玖厘
共派銀貳錢柒分伍厘伍毫遇閏加額銀貳厘叁毫
陸絲

又條鞭籽粒地陸拾捌頃捌拾玖畝每畝派銀叁分
共派銀貳百陸拾兩陸錢柒分遇閏加額銀壹兩柒
錢陸分捌厘捌毫柒絲柒忽

又宗祿籽粒地肆百肆拾壹頃每畝派銀叁分共派
銀壹千叁百貳拾叁兩遇閏加額銀壹拾壹兩叁錢
貳分叁厘肆毫捌絲肆忽

又宗祿籽粒自首地貳頃陸拾玖畝柒分全熟每畝
派銀叁分共派銀捌兩玖分壹厘遇閏加額銀陸分
玖厘貳毫伍絲

收併睢陽衛新增熟地肆拾畝每畝派銀肆分肆厘
壹毫壹絲貳忽叁微捌纖捌沙共派銀壹兩柒錢陸
分肆厘伍毫

又徭役熟地貳頃肆拾貳畝柒分每畝派銀叁分叁
厘貳毫壹絲貳忽叁微捌纖捌沙共派銀捌兩陸分
陸毫伍絲以上貳項遇閏並無應加閏月欸項亦無

外加閏月銀兩

縣衛通共丁地實徵起存本折扣解優免並補徵漕
耗銀米黃丹及更名衛所等項共銀肆萬捌千叁百
叁拾玖兩叁錢貳分叁厘伍毫伍絲捌忽玖微玖纖
柒沙壹塵肆埃遇閏加額銀壹千貳拾伍兩柒錢叁
分伍厘玖毫肆絲壹忽

起解司道府廳銀共肆萬肆千肆百叁拾捌兩叁錢
陸分捌厘貳毫陸絲叁忽貳微肆纖柒沙壹塵肆埃
遇閏加銀柒百肆拾兩玖錢肆分伍厘玖毫壹忽

布政司項下

稅糧等折色起運銀壹萬伍千陸百肆拾伍兩
叁錢肆分肆厘叁毫柒絲柒忽貳微壹纖玖沙
玖塵壹埃遇閏加額銀壹百伍拾肆兩壹錢柒
分七厘貳毫玖絲叁忽

堤厓河占地內清丈並自首出退灘熟地徵銀
伍千叁拾肆兩陸錢伍分捌厘捌毫遇閏加額
銀壹百叁拾兩伍錢陸分玖厘
逾額丁銀貳百伍拾壹兩捌錢伍分

扣優免丁糧銀壹千貳百貳拾叁兩玖錢陸分
黃丹餘剩銀伍兩玖錢捌分貳毫伍絲
牛角餘剩銀貳拾壹兩

新收更名及額外程朋等廠伍項共徵銀捌百
玖拾伍兩肆錢伍分叁厘捌毫陸絲貳忽玖微
陸纖肆沙柒塵叁埃遇閏加額銀貳兩捌錢捌
分貳厘陸毫貳絲

所丁地起運銀玖千捌百叁拾兩捌錢叁毫
壹絲遇閏加額銀捌拾叁兩柒錢玖分伍厘玖

毫貳絲壹忽

裁扣存留項下應解銀叁千壹百貳拾貳兩肆
錢壹分肆厘叁絲遇閏加額銀壹百玖拾伍兩

壹錢貳分陸厘玖毫陸絲柒忽

內修理 龍亭原額銀壹兩實徵銀玖錢柒厘
陸毫叁絲。提學道心紅紙張原額銀伍拾兩
實徵銀肆拾伍兩叁錢捌分壹厘玖毫。本府
心紅紙張原額銀拾貳兩伍錢實徵銀拾壹兩
叁錢肆分伍厘伍毫。修理刑具原額銀拾壹兩
叁分實徵銀柒錢伍分叁厘叁毫。糧捕通判
心紅紙張原額銀貳拾兩實徵銀拾捌兩壹錢
伍分貳厘柒毫。理刑推官俸原額銀貳拾柒
兩肆錢玖分實徵銀貳拾肆兩玖錢伍分玖毫
心紅紙張原額銀貳拾兩實徵銀拾捌兩壹錢
賦役

錢伍分貳厘柒毫○步快肆名工食原額銀貳拾肆兩實徵銀貳拾壹兩柒錢捌分叁厘叁毫
 ○燈夫貳名工食原額銀拾貳兩實徵銀拾兩
 捌錢玖分壹厘陸毫○本府照磨所俸原額銀拾玖兩伍錢貳分實徵銀拾柒兩柒錢壹分柒厘壹毫○本府司獄司俸原額銀拾玖兩伍錢貳分實徵銀拾柒兩柒錢壹分柒厘壹毫○本府教官三員裁解貳員原額銀叁拾玖兩肆分實徵銀叁拾伍兩肆錢叁分肆厘貳毫○齋夫陸名裁解肆名工食原額銀肆拾捌兩實徵銀肆拾叁兩伍錢陸分陸厘陸毫○門斗伍名裁解貳名工食原額銀拾肆兩肆錢實徵銀拾叁兩柒分○喂馬草料裁解貳員原額銀貳拾肆兩實徵銀貳拾壹兩柒錢捌分叁厘叁毫○本縣心紅紙張原額銀貳拾兩實徵銀拾捌兩壹錢伍分貳厘柒毫○修理監倉原額銀拾捌兩實徵銀拾捌兩壹錢伍分貳厘柒毫○本縣諭門斗伍名裁解貳名工食原額銀拾肆兩肆

錢實徵銀拾叁兩柒分○本縣訓導俸原額銀叁拾壹兩伍錢貳分實徵銀貳拾捌兩陸錢捌厘柒毫○本縣訓導齋夫陸名裁解叁名工食原額銀叁拾陸兩實徵銀叁拾貳兩陸錢柒分肆厘玖毫○喂馬草料原額銀拾貳兩實徵銀拾兩捌錢玖分壹厘陸毫○馬吹手拾貳名原額銀壹百柒拾貳兩捌錢實徵銀壹百伍拾陸兩捌錢叁分玖厘柒毫○司前走遞外皂陸拾伍名原額銀肆百陸拾捌兩實徵銀肆百貳拾肆兩柒錢柒分肆厘壹毫○司前走遞夫實徵銀內該扣解裁扣銀玖拾兩○商印驛馬柒拾匹內實徵銀該扣解裁扣銀叁百叁拾陸兩陸錢○協濟驛站原額銀壹千壹拾叁兩捌錢壹分伍厘實徵銀玖百貳拾兩壹錢柒分伍厘玖毫○本府倉麥餘剩原額銀叁錢壹分貳厘肆毫柒絲捌忽實徵銀貳錢捌分叁厘陸毫○本府倉米餘剩原額銀肆分捌厘玖毫陸絲肆忽實徵銀肆分肆厘肆毫○縣學生員季考花

紅紙筆原額銀貳拾兩伍錢實徵銀拾捌兩陸
 錢陸厘陸毫。○提學道歲考等項原額銀柒拾
 伍兩實徵銀陸拾捌兩柒分貳厘捌毫。○迎送
 府學新進生員花紅等項原額銀拾兩實徵銀
 玖兩柒分陸厘叁毫。○迎送縣學新進生員花
 紅等項原額銀拾兩實徵銀玖兩柒分陸厘叁
 毫。○學道搭棚原額銀叁兩柒錢伍分實徵銀
 叁兩肆錢叁厘陸毫。○縣學修理原額銀叁拾
 兩實徵銀貳拾柒兩貳錢貳分玖厘壹毫。○六
 忠微子等廟修理原額銀貳拾玖兩實徵銀拾捌
 兩壹錢伍分貳厘柒毫。○修城原額銀伍拾兩
 實徵銀肆拾伍兩叁錢捌分壹厘捌毫。○社稷
 壇修理原額銀拾兩實徵銀玖兩柒分陸厘叁
 毫。○養濟院修理原額銀拾兩實徵銀玖兩柒
 分陸厘叁毫。○各院守巡等項原額銀叁拾兩
 實徵銀貳拾柒兩貳錢貳分玖厘壹毫。○察院
 守巡等項原額銀拾兩實徵銀玖兩柒分陸厘
 肆毫。○本縣公用會原額銀叁拾兩實徵銀貳

拾柒兩貳錢貳分玖厘壹毫。○縣義倉修理原
 額銀叁兩伍錢實徵銀叁兩壹錢柒分陸厘柒
 毫。○新官到任祭河等項原額銀捌兩實徵銀
 柒兩貳錢陸分壹厘壹毫。○迎春酒席原額銀
 拾捌兩實徵銀拾陸兩叁錢叁分柒厘陸毫。○
 縣學教官到任原額銀陸兩實徵銀伍兩肆錢
 肆分伍厘捌毫。○府學應試生員盤費花紅酒
 席原額銀叁拾伍兩實徵銀叁拾壹兩柒錢陸
 分柒厘叁毫。○縣學應試生員盤費花紅酒席
 原額銀叁拾伍兩實徵銀叁拾壹兩柒錢陸分
 柒厘叁毫。○府學歲貢盤費原額銀肆拾兩實
 徵銀叁拾陸兩叁錢伍厘伍毫。○縣學歲貢盤
 費原額銀貳拾兩實徵銀拾捌兩壹錢伍分貳
 厘柒毫。○府學歲貢車脚原額銀捌兩實徵銀
 柒兩貳錢陸分壹厘壹毫。○府學起貢生員盤
 費酒席原額銀拾伍兩實徵銀拾叁兩陸錢壹
 分肆厘陸毫。○縣學起貢生員盤費酒席原額
 銀柒兩伍錢實徵銀陸兩捌錢柒厘叁毫。○進

宿丘縣志

卷之二

賦役

士坊牌原額銀陸兩貳錢陸分伍厘實徵銀伍兩陸錢捌分陸厘叁毫○舉人坊牌原額銀拾陸兩陸錢實徵銀拾伍兩陸分陸厘捌毫○新舉人車脚原額銀貳兩壹錢肆分玖厘○科場原額銀拾叁兩捌錢實徵銀拾貳兩伍錢貳分伍厘肆毫○奉文遇科舉年加派舊舉人車脚盤費原額銀貳百柒拾玖兩伍錢實徵銀貳百伍拾叁兩陸錢捌分肆厘伍毫○奉文遇科舉年加派新舉人坊牌原額銀伍兩玖錢叁分捌毫肆絲實徵銀伍兩叁錢捌分叁厘壹毫○武舉路費原額銀柒錢貳分柒厘陸毫實徵銀陸錢陸分肆毫○如遇閏月年本府知府閏月俸分派肆毫○糧捕通判閏月俸分派肆毫○稅科司閏月俸分派肆毫○河捕通判閏月俸分派肆毫○照磨閏月俸分派肆毫○知縣閏月俸原額銀叁兩柒錢肆分壹厘伍毫○縣丞閏月俸原額銀叁兩柒錢肆分壹厘伍毫○管河王薄閏月俸原額銀貳兩柒錢伍分叁厘貳毫○典史閏月俸原額銀貳兩柒錢貳分陸厘柒毫實徵銀貳兩陸錢貳分柒毫○教諭閏月俸原額銀貳兩柒錢貳分陸厘柒毫實徵銀貳兩陸錢貳分柒毫○吹手工食遇閏加額銀壹拾肆兩肆錢實徵銀壹拾肆兩叁錢陸分柒厘肆毫○司前走遞外

毫○經歷閏月俸分派原額銀貳兩壹分陸厘捌毫實徵銀貳兩壹分貳厘○照磨閏月俸分派原額銀壹兩陸錢貳分叁厘○稅科司閏月俸分派原額銀壹兩陸錢貳分叁厘○教授閏月俸分派原額銀壹兩陸錢貳分陸厘陸毫實徵銀壹兩陸錢貳分陸厘陸毫○知縣閏月俸原額銀叁兩柒錢肆分壹厘伍毫○縣丞閏月俸原額銀叁兩柒錢肆分壹厘伍毫○管河王薄閏月俸原額銀貳兩柒錢伍分叁厘貳毫○典史閏月俸原額銀貳兩柒錢貳分陸厘柒毫實徵銀貳兩陸錢貳分柒毫○教諭閏月俸原額銀貳兩柒錢貳分陸厘柒毫實徵銀貳兩陸錢貳分柒毫○吹手工食遇閏加額銀壹拾肆兩肆錢實徵銀壹拾肆兩叁錢陸分柒厘肆毫○司前走遞外

皂工食遇閏加額銀叁拾玖兩實徵銀叁拾捌兩玖錢壹分壹厘陸毫○司前走遞損夫裁扣遇閏加額銀柒兩伍錢○商邱驛馬柒拾匹內裁扣遇閏加額銀貳拾柒兩肆錢伍分○協濟驛站遇閏加額銀柒拾肆兩陸分柒厘玖毫實徵銀柒拾叁兩捌錢玖分玖厘玖毫

以上共銀叁萬陸千壹拾肆兩肆錢陸分貳厘

陸毫叁絲壹微捌纖肆沙陸塵肆埃如遇閏月

年加閏銀伍百陸拾陸兩伍錢伍分壹厘捌毫

壹忽

糧道項下

陸捌漕折原額銀壹百肆拾捌兩伍錢陸分

輕賚原額銀壹百肆拾肆兩

折席原額銀陸兩叁錢

正兌本色原額米壹千捌百石外貳伍加耗原

額耗米肆百伍拾石每石價銀捌錢正耗貳項

共該銀壹千捌百兩

路費原額銀肆兩肆錢伍分陸厘捌毫

潤耗銀玖拾兩潤耗米玖拾石每石價銀捌錢

該銀柒拾貳兩銀米貳項共該銀壹百陸拾貳

兩

臨清廣積貳倉改折運軍行糧原額米叁百石
共該原額銀貳百肆拾兩內分半本米壹百伍
拾石半折銀壹百貳拾兩

臨清廣積貳倉改撥運軍行糧原額米壹百貳
拾肆石柒斗貳升陸合叁勺該原銀玖拾玖兩
柒錢捌分壹厘肆絲

外加壹原額耗米壹拾貳石肆斗柒升貳合陸
勺叁抄該銀玖兩玖錢柒分捌厘壹毫肆忽
德州倉改撥運軍行糧原額米貳百叁拾柒石

貳斗貳升該原額銀壹百捌拾玖兩柒錢柒分
陸厘

外加壹原額耗米貳拾叁石柒斗貳升貳合該
銀拾捌兩玖錢柒分柒厘陸毫

以上本折漕項共銀貳千捌百貳拾叁兩捌錢
貳分玖厘伍毫肆絲肆忽

驛鹽道項下

本縣驛站項下餘銀叁千柒百柒兩陸錢貳分
伍厘柒毫遇閏加額銀內除解支外仍餘閏銀

壹百壹拾壹兩捌錢伍分貳厘壹毫此項或解
或撥俱係驛鹽道另核確冊隨年報銷

管河道項下

河夫原額銀壹千叁拾貳兩實徵銀玖百叁拾
陸兩陸錢捌分壹厘貳毫遇閏加額銀叁拾伍
兩實徵銀叁拾肆兩玖錢貳分陸毫

本府項下

戶部甲字庫折色黃丹伍拾貳觔玖兩該銀拾
兩伍錢壹分貳厘伍毫

本色黃丹柒拾捌觔拾壹兩該銀叁兩叁錢捌
分叁厘伍毫陸絲貳忽伍微又鋪墊銀捌錢陸
分伍厘伍毫陸絲貳忽伍微
新增黃丹銀玖兩伍錢伍分捌厘伍毫陸絲肆
忽陸纖貳沙伍塵

顏料水腳銀叁兩玖錢玖分玖厘壹毫
工部折色牛角柒副該銀柒兩

衛所折色牛角壹厘貳毫伍絲該銀壹分貳厘
伍毫

本府知府俸原額銀陸拾貳兩肆分肆厘實徵銀伍拾陸兩叁錢壹分叁厘陸毫

門子二名工食原額銀拾貳兩實徵銀拾兩捌錢玖分壹厘陸毫遇閏加額銀壹兩實徵銀玖錢玖分柒厘柒毫

馬快貳名工食連馬草料共原額銀叁拾叁兩陸錢實徵銀叁拾兩肆錢玖分陸厘陸毫遇閏加額銀貳兩捌錢實徵銀貳兩柒錢玖分叁厘陸毫

步快壹名工食原額銀陸兩實徵銀伍兩肆錢肆分伍厘捌毫遇閏加額銀伍錢實徵銀肆錢玖分捌厘玖毫

燈夫肆名工食原額銀貳拾肆兩實徵銀貳拾壹兩柒錢捌分叁厘叁毫遇閏加額銀貳兩實徵銀壹兩玖錢玖分伍厘伍毫

轎夫壹名工食原額銀陸兩實徵銀伍兩肆錢肆分伍厘捌毫遇閏加額銀伍錢實徵銀肆錢玖分捌厘玖毫

庫子肆名工食原額銀貳拾肆兩實徵銀貳拾壹兩柒錢捌分叁厘叁毫遇閏加額銀貳兩實徵銀壹兩玖錢玖分伍厘伍毫

斗級貳名工食原額銀拾貳兩實徵銀拾兩捌錢玖分壹厘陸毫遇閏加額銀壹兩實徵銀玖錢玖分柒厘柒毫

本府糧捕通判俸原額銀叁拾伍兩肆錢陸分實徵銀叁拾貳兩壹錢捌分肆厘捌毫
本府河捕通判俸原額銀叁拾伍兩肆錢陸分

實徵銀叁拾貳兩壹錢捌分肆厘捌毫
本府經歷司俸原額銀貳拾肆兩貳錢貳厘實徵銀貳拾壹兩玖錢陸分陸厘陸毫

本府稅課司俸原額銀拾玖兩伍錢貳分實徵銀拾柒兩柒錢壹分柒厘壹毫
本府教官壹員俸原額銀拾玖兩伍錢貳分實徵銀拾柒兩柒錢壹分柒厘壹毫

齋夫貳名工食原額銀貳拾肆兩實徵銀貳拾壹兩柒錢捌分叁厘貳毫遇閏加額銀貳兩實徵銀壹兩柒錢捌分叁厘貳毫

徵銀壹兩玖錢玖分伍厘肆毫柒絲

膳夫壹名工食原額銀貳拾兩實徵銀拾捌兩

壹錢伍分貳厘柒毫遇閏加額銀壹兩陸錢陸

分陸厘陸毫實徵銀壹兩陸錢陸分貳厘捌毫

教官喂馬草料原額銀拾貳兩實徵銀拾兩捌

錢玖分壹厘陸毫遇閏加額銀壹兩實徵銀玖

錢玖分柒厘柒毫叁絲

本府廩糧銀玖拾貳兩肆錢遇閏加額銀柒兩

柒錢

本府倉小麥船料原額銀貳百壹拾伍兩肆錢

肆分壹厘肆毫柒絲捌忽實徵銀壹百玖拾伍

兩伍錢肆分貳厘陸毫

本府倉米船料原額銀叁拾叁兩柒錢陸分貳

厘玖毫陸絲肆忽實徵銀叁拾兩陸錢肆分肆

厘伍毫

本府倉米兵餉原額銀拾肆兩柒錢伍厘叁毫

玖絲叁忽玖微實徵銀拾叁兩叁錢肆分柒厘

貳毫

本府倉小麥兵餉原額銀玖拾叁兩捌錢叁分肆厘叁毫貳絲捌忽捌微伍纖實徵銀捌拾伍兩壹錢陸分柒厘伍毫

鹿邑縣重糧原額銀壹百壹拾捌兩柒錢伍分貳毫肆絲玖忽實徵銀壹百柒兩柒錢捌分貳厘壹毫

以上共銀捌百玖拾伍兩捌錢陸分伍厘壹毫捌絲玖忽陸纖貳沙伍塵遇閏加額銀貳拾貳兩壹錢叁分叁厘捌毫

糧捕通判項下

門子壹名工食原額銀陸兩實徵銀伍兩肆錢肆分伍厘捌毫遇閏加額銀伍錢實徵銀肆錢玖分捌厘玖毫

步快叁名工食原額銀拾捌兩實徵銀拾陸兩叁錢叁分柒厘伍毫遇閏加額銀壹兩伍錢實徵銀壹兩肆錢玖分陸厘陸毫

皂隸壹名工食原額銀陸兩實徵銀伍兩肆錢肆分伍厘捌毫遇閏加額銀伍錢實徵銀肆錢

玖分捌厘玖毫

燈夫貳名工食原額銀拾貳兩實徵銀拾兩捌

錢玖分壹厘陸毫遇閏加額銀壹兩實徵銀玖

錢玖分柒厘柒毫

以上共銀叁拾捌兩壹錢貳分柒毫遇閏加額

銀叁兩肆錢玖分貳厘壹毫

管河通判項下

步快肆名工食原額銀貳拾肆兩實徵銀貳拾

壹兩柒錢捌分叁厘叁毫遇閏加額銀貳兩實

徵銀壹兩玖錢玖分伍厘伍毫

存留本縣應支共銀叁千玖百兩玖錢伍分伍厘貳

毫玖絲伍忽柒微伍纖遇閏加額銀貳百捌拾肆兩

柒錢玖分肆絲

本縣知縣俸原額銀肆拾伍兩實徵銀肆拾兩捌

錢肆分叁厘柒毫

門子貳名工食原額銀拾貳兩實徵銀拾兩捌

錢玖分壹厘陸毫遇閏加額銀壹兩實徵銀玖

錢玖分柒厘柒毫

皂隸拾陸名工食原額銀玖拾陸兩實徵銀捌拾柒兩壹錢叁分叁厘壹毫遇閏加額銀捌兩實徵銀柒兩玖錢捌分壹厘捌毫

馬快捌名工食連馬草料原額銀壹百叁拾肆

兩肆錢實徵銀壹百貳拾壹兩玖錢捌分陸厘

肆毫柒絲遇閏加額銀拾壹兩貳錢實徵銀拾

壹兩壹錢柒分肆厘陸毫

民壯伍拾名工食原額銀叁百兩實徵銀貳百

柒拾貳兩貳錢玖分壹厘壹毫遇閏加額銀貳

拾伍兩實徵銀貳拾肆兩玖錢肆分叁厘肆毫

燈夫肆名工食原額銀貳拾肆兩實徵銀貳拾

壹兩柒錢捌分叁厘叁毫遇閏加額銀貳兩實

徵銀壹兩玖錢玖分伍厘伍毫

禁卒捌名工食原額銀肆拾捌兩實徵銀肆拾

叁兩伍錢陸分陸厘陸毫遇閏加額銀肆兩實

徵銀叁兩玖錢玖分玖毫

斗級肆名工食原額銀貳拾肆兩實徵銀貳拾

壹兩柒錢捌分叁厘叁毫遇閏加額銀貳兩實

徵銀壹兩玖錢玖分伍厘伍毫

轎傘扇夫柴名工食原額銀肆拾貳兩實徵銀

叁拾捌兩壹錢貳分捌毫遇閏加額銀叁兩伍

錢實徵銀叁兩肆錢玖分貳厘壹毫

庫子肆名工食原額銀貳拾肆兩實徵銀貳拾

壹兩柒錢捌分叁厘叁毫遇閏加額銀貳兩實

徵銀壹兩玖錢玖分伍厘伍毫

本縣縣丞俸原額銀肆拾兩實徵銀叁拾陸兩

叁錢伍厘伍毫

門子壹名工食原額銀陸兩實徵銀伍兩肆錢

肆分伍厘捌毫遇閏加額銀伍錢實徵銀肆錢

玖分捌厘玖毫

皂隸肆名工食原額銀貳拾肆兩實徵銀貳拾

壹兩柒錢捌分叁厘叁毫遇閏加額銀貳兩實

徵銀壹兩玖錢玖分伍厘伍毫

馬夫壹名工食原額銀陸兩實徵銀伍兩肆錢

肆分伍厘捌毫遇閏加額銀伍錢實徵銀肆錢

玖分捌厘玖毫

本縣管河主簿俸原額銀叁拾叁兩壹錢壹分肆厘實徵銀叁拾兩伍分伍厘伍毫

門子壹名工食原額銀陸兩實徵銀伍兩肆錢肆分伍厘捌毫遇閏加額銀伍錢實徵銀肆錢玖分捌厘玖毫

皂隸肆名工食原額銀貳拾肆兩實徵銀貳拾壹兩柒錢捌分叁厘叁毫遇閏加額銀貳兩實徵銀壹兩玖錢玖分伍厘伍毫

馬夫壹名工食原額銀陸兩實徵銀伍兩肆錢肆分伍厘捌毫遇閏加額銀伍錢實徵銀肆錢玖分捌厘玖毫

本縣典史俸原額銀叁拾壹兩伍錢貳分實徵銀貳拾捌兩陸錢捌厘柒毫

門子壹名工食原額銀陸兩實徵銀伍兩肆錢肆分伍厘捌毫遇閏加額銀伍錢實徵銀肆錢玖分捌厘玖毫

皂隸肆名工食原額銀貳拾肆兩實徵銀貳拾壹兩柒錢捌分叁厘叁毫遇閏加額銀貳兩實

徵銀壹兩玖錢玖分伍厘伍毫

馬夫壹名工食原額銀陸兩實徵銀伍兩肆錢肆分伍厘捌毫遇閏加額銀伍錢實徵銀肆錢玖分捌厘玖毫

本縣教諭俸原額銀叁拾壹兩伍錢貳分實徵銀貳拾捌兩陸錢捌厘柒毫

門斗叁名工食原額銀貳拾壹兩陸錢實徵銀拾玖兩陸錢伍厘遇閏加額銀壹兩捌錢實徵銀壹兩柒錢玖分伍厘玖毫貳絲

喂馬草料原額銀拾貳兩實徵銀拾兩捌錢玖分壹厘陸毫遇閏加額銀壹兩實徵銀玖錢玖分柒厘柒毫

齋夫叁名工食原額銀叁拾陸兩實徵銀叁拾貳兩陸錢柒分肆厘玖毫遇閏加額銀叁兩實徵銀貳兩玖錢玖分叁厘貳毫

膳夫貳名工食原額銀肆拾兩實徵銀叁拾陸兩叁錢伍厘伍毫遇閏加額銀叁兩叁錢叁分叁厘叁毫實徵銀叁兩叁錢貳分伍厘柒毫

本縣儒學廩糧銀伍拾陸兩遇閏加額銀肆兩
陸錢陸分陸厘陸毫

本府經歷司門子壹名工食原額銀陸兩實徵
銀伍兩肆錢肆分伍厘捌毫遇閏加額銀伍錢
實徵銀肆錢玖分捌厘玖毫

本府儒學門斗叁名工食原額銀貳拾壹兩陸
錢實徵銀拾玖兩陸錢伍厘遇閏加額銀壹兩
捌錢實徵銀壹兩柒錢玖分伍厘玖毫貳絲

舖司兵叁拾陸名工食原額銀貳百壹拾陸兩
實徵銀壹百玖拾陸兩肆分玖厘伍毫貳絲伍
忽柒微伍纖遇閏加額銀拾捌兩實徵銀拾柒
兩玖錢伍分玖厘貳毫

修理 文廟原額銀拾兩實徵銀玖兩柒分陸
厘叁毫

闕伯臺祭祀原額銀貳兩實徵銀壹兩捌錢壹
分叁厘叁毫

郡厲壇祭祀原額銀拾伍兩實徵銀拾叁兩陸
錢壹分肆厘陸毫

微子墓修理原額銀叁兩陸錢實徵銀叁兩貳錢陸分柒厘伍毫

王家口祭祀原額銀拾兩陸分肆厘實徵銀玖兩壹錢叁分肆厘伍毫

春秋祭祀原額銀壹百叁拾貳兩貳分陸厘實徵銀壹百壹拾玖兩捌錢叁分壹厘柒毫

鄉飲原額銀拾肆兩實徵銀拾貳兩柒錢陸厘玖毫

看堤堡夫叁拾貳名工食原額銀伍拾壹兩叁

錢實徵銀肆拾陸兩伍錢陸分壹厘捌毫

司前走遞損夫內留伍拾名應支工食銀捌百壹拾兩遇閏加額銀陸拾柒兩伍錢

驛馬柒拾匹內除扣撥外應支工料銀壹千叁

百捌拾肆兩遇閏加額銀玖拾玖兩柒錢伍分本縣養濟院孤貧柒拾陸名口實支口糧花布

銀貳百壹拾貳兩伍錢捌分叁厘遇閏加額銀拾伍兩玖錢陸分

不入地丁襍項稅銀原無定額儘徵儘解歲約壹百

貳拾餘兩共有三項附列於後

房地稅契銀叁拾貳兩有零

當稅銀叁拾兩

牙帖銀陸拾兩有零

鹽引附

本縣遵照刊定成書按丁均引每年額銷官鹽柒千叁百捌拾玖引又復加鹽引壹千玖百柒拾伍引又於康熙拾捌年拾壹月內奉文以每拾引加壹引共加玖百叁拾陸引又於康熙叁拾陸年十一月內奉

文加增引壹千伍百貳引共行鹽壹萬壹千捌百貳引本商自運自賣並不派累戶口將賣完殘引責令本商分爲四季繳銷

商邱縣志卷之三

學校

虞廷命官首重敷教成周盛化推本辟雍商邑聖
 賢之跡循環接踵百世之下士寧無觀感而興起
 者乎入芹泮而鼓篋知美培之不遠也宋人書院
 猶存古遺今郡縣吏爭立義學亦源流之意云爾
 法得並書

縣儒學在北門內四牌樓西明萬歷元年知縣何希

周建明倫堂

三間

東西號房

各五間

教諭宅在明倫堂東

北訓導宅在明倫堂後

宋應天書院在舊城州治東宋大中祥符三年邑士曹誠建學舍百五十楹聚書千五百卷招明經藝者講習其中有司以聞賜額應天書院久廢明嘉靖初移建於今城西北隅今亦廢

宋范文正公講院在府學之東明萬歷二十九年知府鄭三俊重建課士其中

閔子奇復修今為郡義學

按院基南北長十八丈六尺東西橫滿八丈二尺六

門一座二門一座講堂一座後軒一座文昌閣一座文正公祠一座藏書樓一座樓下廠房三間向學西

門樓一座東號房二十間西號房二十間週圍磚墻計高一丈三尺六寸藏書樓前東西墻二道直接講堂東西號房各院墻一道前後相連俱與中墻相對東西各通道一條耳門四座號房每層各小門一座

社學舊隨鄉建置後稍廢明嘉靖初知州王侑建之象賢祠西又嘉靖十年巡按御史蔡黻改為應天書

院後廢 國朝康熙十九年知縣朱衣貴重立於縣

學前二程夫子祠內後知縣趙申喬更為恢廊題曰

師程講院祀二夫子併修文昌祠魁星樓以翼泮辟

知縣劉德昌抵任亦加修治今仍為縣義學

舊志曰中原學校明萬歷初張居正柄國銳意肅

清一時諺語有秀才無假漆無真之謠自四十年
學使者葉秉敬至而情始溢四十六年學使者呂
邦耀至而賄賂始盛其後濫觴不可問矣嗚呼學
校人材王者所以礪世磨鈍之具也可漫焉以聽
之乎今 國家慎茲科塲嚴飭學政得刑罰世輕
世重之權成周棫樸之化浸浸乎可復覩矣

災祥

瑞異之應君子所以謹天戒也一邑雖微而推之
家國則大矣况歷代以來紀年而書則前事之不
忘國後事之師乎有感斯應彰往察來知微君子
寧忍忽諸

商

太戊時有祥桑穀共生於朝七日大拱伊陟曰妖不
勝德太戊修德而祥桑枯死

周

莊王十四年秋宋大水

襄王八年春戊申朔隕石於宋五是月六鶴退飛過
宋都周內史叔興聘於宋襄公問焉對曰君將得

諸侯而不終

二十八年秋雨蝻于宋

頃王六年秋七月有星孛入於北斗周内史叔服曰
宋之君將死亂後三年弒昭公

靈王八年春宋災

二十七年春無冰梓慎曰宋其饑乎宋果饑

景王二年宋災有咻于宋太廟曰譔譔出出鳥鳴於
亳社如曰譔譔甲午宋大災伯姬卒

二十年冬有星孛於大辰梓慎曰宋大辰之墟宋

災明年五月宋果災

敬王四十年災惑守心宋景公憂之司星子韋曰可
移於相曰相吾之股肱可移於民曰君以民辟四
方可移於歲曰歲饑民困吾誰爲君子韋曰君有
君人之言三災惑宜有動果徙三舍

赧王二十九年宋有雀生鹩於城之轍占曰小而生
大必霸天下宋君偃欲霸之速成乃射天笞地斬
社稷而焚之國人大駭天下謂之桀宋齊楚魏共
滅之偃走死於温

漢

景帝中三年六月壬戌蓬星見在房南大如二斗氣

色白癸亥在心東北長丈所占曰必有亂臣後梁

王欲為嗣使人殺袁盎事露梁大臣皆按誅

元帝建昭元年正月戊辰隕石梁國六

光武建武二十四年六月丙申睢水逆流一日一夜

止

桓帝元嘉元年^魏梁國饑民相食

晉

武帝咸寧元年白雀白雉見睢陽

二年白龍二見於梁國

太康五年秋七月暴雨害豆

八年春三月熒惑守心

安帝義熙十二年五月彗星出天市掃帝座在房心

北

十二年月犯歲星留在房心之間占曰得歲者王

後為劉裕啓宋興之兆

北魏

高祖太和八年睢陽縣獲嘉禾

十四年四月甘露見睢陽桃樹

北齊

後主天統四年秋七月孛星見於房心白如粉絮大

如斗

唐

高宗永徽四年宋州有異獸見民蔡道基舍傍高丈

餘頭類羊一角鹿形馬蹄牛尾五色有翅占曰鳥

如畜形有大兵

中宗景龍元年宋州大風拔木壞民廬舍

德宗貞元八年宋州大水

十四年秋有異鳥見宋州郊外色青類鳩鵲所至

處群鳥翼衛朝夕噉稻梁以哺之睢陽人適野聚

大觀累日

武宗會昌二年春正月癸亥宋州地震

五代

梁太祖開平四年冬宋州大水節度使宋友諒獻瑞

麥一莖四穗太祖曰豐年爲上瑞今宋州大水安

漢隱帝乾祐二年夏五月宋州蝗一夕抱草盡死有司奏于朝遣官祭之

宋

太祖開寶四年夏六月汴水決宋州穀熟縣濟陽鎮九年夏五月宋州大風壞甲仗庫城樓軍營民舍四千五百九十六區

太宗太平興國四年秋月汴水決宋城縣

淳化二年春正月熒惑犯房第一星

真宗大中祥符元年李梅妻產二男二女

六年秋九月宋城縣產芝得五十本獻之

徽宗政和五年夏四月野蠶成繭

金

世宗大定二十年河決衛州瀾漫歸德等處二十七

年命各州縣長貳皆提舉河防事

元

世祖至元二年歸德府淫雨浹旬

明

太祖洪武三十一年夏四月己亥歸德州大火延燒軍民一百三十餘處儒學堂齋厨號皆焚

英宗正統五年春夏旱無麥遣官賑濟

孝宗宏治十五年夏六月河決入城公私廨舍蕩然

無餘

武宗正德七年秋黑雉見人皆不寢鳴鑼持兵以備

之數月乃息

世宗嘉靖二年秋淫雨百日平地行舟冬大饑人相

食

三年元日地震春二月朔晝晦自未至酉人畜不

寧

夏四月大雨雹大如雞卵人畜皆為所殺

八年秋八月蝗飛蔽天

十六年夏六月河決汜濫於城下至十九年冬始

涸

十八年春大饑疫死者相望

二十年春三月晝晦星見飛沙拔木咫尺不能辨

夏麥有一莖三穗者

三十六年夏四月大雨雹大如雞卵樹木禽畜損傷甚多

三十七年三十八年秋七月河決傷禾

三十九年河北徙

神宗萬歷元年春二月大風黃塵蔽天黑暗終日

五年冬雪深數尺

九年冬無冰

二十一年春三月三日黑風大作自旦徹宵人皆

迷失

二十九年河決支流四出平地皆水

三十二年河溢是年大疫死者相枕

熹宗天啟二年春二月地震有聲自西北來聲如雷

金鐵皆响犬驚吠

懷宗崇正二年冬十月大雷

五年淫雨自夏至秋平地行舟

七年沙雞至毛色如鶉而大獸蹄不樹棲飛有聲

十年夏五月有怪在北門井內人入者輒死

十二年冬燠

十三年大饑人相食

十四年大疫死者相望秋天狗墜於心宿之野次

年賊破歸德城屠人十餘萬

國朝

世祖順治二年春正月朔雨紅雨

四年秋大蝗集于樹枝幹皆折不食禾

冬十月大雷

十二年夏四月隕霜傷麥

十三年大雨雹巨如雞卵

十五年冬十一月大雷

十六年五月初五日大雨四十餘日始霽平地水

深數尺田禾房垣盡沒

今上康熙七年六月十七日地震河水溢房舍倒塌

壓死男女甚多

十七年七月二十六日地震時動時止者三日

二十四年秋大水

三十九年四十年俱大水城南一望汪洋渦河百

斛之舟直達郡城歲俱歉知縣劉德昌設法賑濟

四十一年秋八月有奸民思倡亂者知縣劉德昌計擒其魁痛懲之餘黨解散民賴以安

兵燹

歸郡齊楚之交衝江淮之屏蔽固形勢所必爭也宋之被兵不知凡幾華大夫之易子析骸張中丞之羅雀掘鼠亦云酷矣而明季之賊賊兩陷郡城殺人半長平屠戮之慘開闢所僅見也 國家承平六十年休養生息人不知兵矣追維往事能無古戰場之弔乎

周

魯隱公五年秋九月鄭人會王師伐宋入其郛以報東門之役先是宋公與陳蔡衛伐鄭圍其東門五日而還事在隱公四年

九年夏鄭伯以王命伐宋以宋公不王也十年夏六月魯公子翬會齊人鄭人伐宋敗宋師於菅

莊公十年春二月魯侵宋夏宋與齊伐魯宋師敗于乘邱而還

十四年春齊人陳人曹人伐宋齊請師於周夏單伯會之取成於宋而還

十五年秋鄭侵宋先是諸侯為宋伐鄭鄭即小鄭鄭為

宋附庸以判宋故伐之鄭人乘其間而侵宋

僖公二十一年宋人為鹿上之盟以求諸侯於楚秋

會於孟楚因執宋公以伐宋冬會於薄即薄亭以釋之

二十二年冬十一月宋及楚人戰于泓宋師敗績

襄公傷其股

二十三年春齊伐宋圍緡夏宋襄公卒傷於泓故

也

文公十年冬狄侵宋

十七年春晉衛陳鄭伐宋以宋人弒其君杵臼也

宣公十三年夏楚伐宋先是楚伐蕭以宋華椒救蕭

故也

十四年秋九月楚使申舟聘齊不假道于宋宋人

殺舟楚子遂圍宋次年夏五月使華元夜入楚師

子反與之盟楚乃退

成公六年春二月晉衛鄭及戎侵宋以其辭會也

秋魯仲孫蔑叔孫僑如侵宋晉命也

十六年夏四月鄭公子喜帥師侵宋宋師敗于洧陵

十八年夏六月鄭伯侵宋及曹門外遂會楚同伐宋拔彭城納魚石以三百乘戍之而還

襄公元年春正月魯仲孫蔑晉欒黶宋華元衛齊殖晉人莒人邾人滕人薛人圍宋彭城為宋討魚石也

秋楚公子壬夫帥師侵宋取宋呂留二邑名鄭子然

侵宋取大邱

十年夏五月楚公子貞鄭公孫轅伐宋圍宋桐門衛人救之

十一年夏鄭公孫舍之侵宋

十二年冬楚公子貞侵宋師於楊梁以報晉之取鄭也

昭公二十一年夏宋華亥向宣華定自陳入於宋南里以叛

哀公五年夏齊伐宋

十五年夏五月鄭伐宋

漢

高祖三年秋八月彭越下梁十七城楚復擊取之

景帝三年春正月吳楚叛引兵攻睢陽梁使韓安國

張羽拒之不能克

淮陽王更始二年冬梁王劉永據國起兵下濟陰等

二十八城

光武建武二年夏四月遣將軍蓋延等擊劉永圍睢

陽

秋八月蓋延圍睢陽數月克之永奔譙

三年四月睢陽人反城迎劉永蓋延引兵圍之

秋七月睢陽人斬劉永以降諸將立其子紆為梁

王

五年夏六月光武帝自將擊梁秋七月梁人斬紆

以降

晉

懷帝永嘉五年荀晞奉豫章王端為皇太子自倉垣

徙屯蒙城置行臺尋為石勒所據

後魏

孝莊帝永安二年梁將陳慶之送北海王顥北還進
至梁國魏將邱大千分築九城以拒之慶之拔其
三壘大千降顥遂即帝位于睢陽南旋克梁國

唐

肅宗至德二年春正月賊將尹子奇寇睢陽張巡入
城同許遠拒之

三月尹子奇復寇睢陽張巡擊走之

冬十月尹子奇陷睢陽張巡許遠與其將南霽雲

十五年春三月闖賊陷城同知顏則孔推官王世
琇死之同時死者十餘萬人

古蹟

臺榭陂池足以資馮弔荒城戰壘足以考廢興古
人往矣而蹟之存者烏可沒也宋國名都梁園勝
壤昔人建置苟有遺踪雖疑亦錄

亳城在府西北杜預曰在蒙縣西北故湯都也春秋
時宋邑桓十二年宋公子御說以宋萬之亂奔亳亦
曰薄左傳僖二十一年楚執宋襄公以伐宋冬會於

薄以釋之哀十四年桓魋請以鞍易薄宋景公不可
 曰薄宗邑也即此漢置薄縣屬山陽郡後漢改屬梁
 國晉省括地志穀熟西南三十里有南亳故城書所
 稱三亳者蒙縣之亳曰北亳湯所興穀熟之亳曰南
 亳湯所都偃師之亳曰西亳湯所遷也又諸家皆以
 蒙縣之亳為景亳按商頌明言瞻彼景山為高宗寢
 廟所托則指偃師之亳無疑况景山至今未改乎指
 為北亳悞矣鞍亦在亳西蓋魋之食邑
按曹縣志亦
 有景山云在
 縣東四十里故楚邱北亦引
 商頌為據此附會之說也

蒙城在城東北四十里亦曰大蒙城國語楚申無宇
 曰宋有蕭蒙又有蒙澤在城東北三十五里傳莊十
 二年宋萬弒閔公於蒙澤漢置蒙縣屬梁國晉因之
 永嘉五年荀晞奉豫章王端為皇太子自倉垣徙屯
 蒙城置行臺即此劉宋屬譙郡後魏因之亦曰北蒙
 縣永安初梁將陳慶之送北海王顥北還自鉅城進
 拔蒙城遂至梁國蒙城即蒙城之譙矣後齊廢
 小蒙城在城南二十五里中有濬園莊周嘗於此為
 園吏亦名漆邱晉義熙十二年劉裕遣王鎮惡等入

秦境秦將王苟生以漆邱降卽此

黃城在城西北左傳僖二年齊侯來公江人黃人盟于黃杜預曰蒙縣西北有黃城是也

橫城在城西南左傳昭二十一年宋華向之徒亂樂大心豐愆華輕禦諸橫杜預曰睢陽縣南有橫亭故謂之光城聲相近也

新城在城南左傳文十四年晉趙盾盟諸侯于新杜預曰穀熟縣西有新城

龍亢城在城西南三十里相傳漢所置縣按兩漢書龍亢皆屬沛郡後漢郡國志曰向本國有向城在城東南今鳳陽府懷遠縣有龍亢城志稱卽漢沛郡之龍亢兩漢沛郡皆治相縣今爲宿州地相距懷遠近而與商邱遙則漢之龍亢應在懷境而非商境也

睢陽故縣括地志曰在州治南二里外城中秦縣治此漢晉因之隋改縣曰宋城亦治南城中宋建南京宋城始移入郭內今舊城南卽故地也

穀熟故縣在城東南四十里漢睢陽縣地後漢建武二年封更始子歆爲穀熟侯邑於此尋爲穀熟縣屬

梁國晉因之後廢隋開皇十六年復置穀熟縣屬宋州唐武德二年置南穀州治焉四年州廢仍屬宋州宋開寶五年汴水決于此遷治城南仍曰穀熟縣元省今爲穀熟鎮

陽梁聚在城東南三十里左傳襄十二年楚會齊師伐宋師于陽梁杜預曰陽梁在睢陽東

梁園在城東一作梁苑或云卽菟園梁孝王築東苑方三百里大治宮室爲複道自宮連屬于平臺三十餘里西京雜記曰菟園中有百靈山落猿巖棲龍岫

望秦嶺又有鴈池池間有鶴洲鳧渚諸勝

金果園在城東南十里相傳亦梁孝王建

平臺在城東北二十五里亦梁孝王築司馬貞曰平臺一名修竹院相傳謝惠連賦雪于此又名雪苑

蠡臺在舊城南司馬彪曰睢陽有盧門亭城內有高臺甚秀廣巍然介立超焉獨上謂之蠡臺亦謂之升臺續述征記曰廻道似螺故曰蠡臺水經注云蠡臺傍又有女郎臺涼馬臺晉永和九年姚襄降晉屯于歷陽殷浩惡其強盛遷襄于梁國之蠡臺又升平四

年燕以慕容垂爲征南將軍荊州刺史鎮梁國之蠡臺是也

清冷臺在城西北十八里梁孝王築相傳宋太祖避暑于此又名清涼臺

三陵臺在城西北十八里三峯並峙故名

靈臺在城東梁惠王六年取宋儀臺郭象曰儀臺靈臺也虞城縣亦有靈臺

營郭臺在城東南七十里營郭鎮上有建吉寺

文雅臺在城東南里許世傳孔子過宋與弟子習禮

大樹下卽此 國朝康熙二十年郡守胡國佐重

修

六忠臺在城南舊城上元至元間遷協忠祠于城上或其址也明萬歷間郡守鄭三俊建雷萬春廟于此曜華宮梁孝王建按三輔黃圖王作此宮與諸宮觀相連延亘數十里奇菓異樹珍禽怪獸靡所不有王日與賓客弋釣其中

鴻慶宮舊在應天府城北俗稱北宮宋之原廟也真宗大中祥符七年以應天府爲南京以聖祖殿爲鴻

慶宮奉太祖太宗像侍於聖祖之側名神御殿又名三聖殿故址在今城西南隅

歸德殿在舊城內宋南都行宮之正殿也

照碧堂宋建於南都城上以臨南湖晁無咎有記

竹園在城東南水經注睢水自睢陽東南流歷竹園水次綠竹蔭渚菁菁彌望世謂之梁王竹園官收其利因名官竹梁中大通四年遣羊侃送元法僧北還侃至官竹聞譙城爲魏所陷引還者卽此

妙峯亭在舊城內宋留守王勝之建蘇軾題榜又有

新亭十二皆勝之建又有觀光亭望雲亭亦俱在舊

城內見南都賦

清冷池在梁園內李白作鳴臯歌送岑徵君處

三仁街在舊城內微子廟前

斷頭巷在舊城內相傳爲唐張巡死節處

鳳池口在城西北二十二里舊黃河經焉金哀宗下

歸德至鳳池口渡河卽其處

留趙村俗名留趙口卽隋麻叔謀開汴渠回曲處

滂隄在府西北七里滂一作蓼梁孝王所築宇文周

末楊堅使于仲文擊尉遲迥將檀讓於河南軍至滹
隄去梁郡七里進拔之即其地也

隋隄在舊城外三里即汴渠故隄也築于隋故名

黑松林在城西大林舖北

萬戶林在城北

第宅

念召棠而勿剪過商廬而必式賢者之繫人思如
此商邑為古國都甲第之崇麗者何限而今杳不
傳矣近代名卿居址或堂構尚仍或滄桑已易而

里巷猶有可識者皆宜存之以備考索

唐

梁王宅舊志在睢陽城內唐魏元忠有侍宴梁王宅
應制詩今址無考

宋

杜衍宅舊志在南京驛舍今無考

明

徐按察永達宅在南門大街東正人坊

潘侍郎禮宅在南門內

采尙書莊敏公宅在縣治北

沈太保文端公宅在西馬道東梅家園南

侯光祿執躬宅在三司西街北

侯太常執蒲宅在北門內劉家隅首

周尙書士樸宅在城東南隅兵街

侯尙書恂宅在四牌樓東其南園在城南十里有記

侯祭酒恪宅在北門大街路東

余尙書城宅在縣治後

葉侍郎廷桂宅在南門姜家隅首西

國朝

宋太保文康公宅在六忠祠西文康子舉官江蘇巡

撫清正和平屢被

宸眷康熙己卯

上 幸江南

御書仁惠誠民四字又懷抱清明四字以

賜又

御書詩扇又臨米芾書董其昌書天馬賦淵鑒齋法

帖及耕織圖以

賜又康熙癸未

上復幸江南

御書清德堂三字西陵二字以

賜又

御製堂聯曰官箴三命凜家學一經傳及

御製督撫箴以

賜皆

御筆也率因建

御書樓以藏樓即在文康故宅內

西陵宋都憲榮別業在城西南史家河側有溪流竹

樹之勝名人題詠甚多

侯氏壯悔堂尚書恂子方域讀書處在劉家隅首東

所有雜庸堂翡翠樓者亦即此處

遡園名士賈開宗故居在北關外

陵墓

冢墓者第宅之餘也第宅不能留于百年冢墓可

留于千載乎然名賢邱壠長吏每為禁樵採千秋

朽骨豈不以人重乎邑境亦有古陵寢或曰傳疑

姑存以俟辨證

上古

燧皇陵在闕伯臺西北相傳為燧人氏墓處俗云土色皆白今殊不然

帝嘗陵在城南高辛里帝嘗都亳故墓此皇覽謂墓頓邱今在清豐縣而滑縣郟陽縣又俱有帝嘗陵皆所傳之誤也有宋太祖開寶元年詔祀帝王陵寢碑可考

闕伯墓即商邱也世傳闕伯墓此

商

阿衡伊尹墓在穀熟鎮南五里即古亳故墟有伊冢前有祠見侯有造記書謂生于空桑卒于南亳是也

周

宋公微子墓在城西南二十五里青岡廟碑云十二里以舊城近南故也

唐

將軍雷萬春墓在城東一里今無考

宋

太子太師祁國公謚正獻杜衍墓在宋城仁孝原

太子少師叅政謚康靖趙槩墓在宋城天巡鄉

吏部侍郎叅政謚文安王堯臣墓在宋城平臺鄉石

落原

太子太保叅政謚文定張方平墓在宋城永定鄉

明

山西按察使徐永達墓在關伯臺後有大學士楊溥

表

工部侍郎潘禮墓在城西北七里正德六年諭葬

吏部尙書謚莊敏宋纁墓在城西北二十里許三陵

台下萬歷間諭葬

太保大學士謚文端沈鯉墓在城西十里鋪萬歷間

諭葬

南京通政使贈侍郎田珍墓在城東南三十五里崇

禎間諭葬

光祿寺卿侯執躬墓在城西南二十里袁家店

太常寺卿侯執蒲墓在城西南二十五里袁家店南

國子祭酒侯恪墓在城西二十里水池鋪

工部尙書周士樸墓在城南十八里趙家口西南
南京兵部尙書余城墓在城東南二十里閆家集北
戶部尙書侯恂墓在城西南十里薛家園南
總督薊遼兵部侍郎葉廷桂墓在城東南穀熟鎮北
流臘坡

國朝

太子太保大學士謚文康宋權墓在城西二里許閆
伯臺後康熙初諭葬 贈公宋沾墓在其右

HARVARD COLLEGE LIBRARY
FROM THE
HARVARD-YENCHING
INSTITUTE
SEP 30 1929